

ახვლედიანი

მნათი მაცნიერების მუსკულა
(ლექციები)
(ხელთნაწერების მაგიერ)

I.

ფახი მ. კ.

გამოცემა ქ. უნივერსიტეტის სტუდენტთა კავ-
შირის გამგეობისა.

ტფილისი

სტამბა „სახალხო საქმე“ ბარონის ქ. № 14.

საზოგადო ენათ-მეცნიერების შესავალი

ლექცია პირველი.

ბგერითი და ქესტ-მიმიკის ენა. ქესტ-მიმიკის მნიშვნელობა. ბგერითი ენის უპირატესობა. გარეთი და შინაგანი ბგერითი ენა. აზრის გაზიარების პირობები გარეთი ენის საშუალებით. ყოველ-დღიური შემოქმედება ენაში. შიგნითი ენის და აზროვნების განუყოფლობა. ნაწევროვნება აზრისა ენაში. ენის ცვალებადობა და მისი მიზეზები. „ცოცხალი“ და „მკვდარი“ ენა. დიალექტების წარმოშობა ენაში. ინდივიდუალური და საერთო ენის ურთიერთ განწყობილება. ენათ მეცნიერება კულტურულ-ისტორიული მეცნიერებაა. ენათმეცნიერების დარგები. ლიტერატურა.

რა არის ენა? ამ ცნების სრული განსაზღვრა გულისხმობს მთელი ენათმეცნიერების შინაარსს, ე. ი., თუ ჩვენ გვსურს გვექონდეს სრული წარმოდგენა ენაზე, უნდა გავითვალისწინოთ საზოგადოდ ენის ბუნება, რომელიც არსებითად ერთია ყოველი ხალხისა და დროსათვის—მას შემდეგ, რაც ადამიანმა მოინდომა თავისი აზრი გაეზიარებია სხვისათვის. მაშასადამე, ჯერჯერობით ვიცოდეთ. რომ ენა იირალია აზრთა გასაზიარებლად.

ქვევით დავინახავთ, რომ ასეთი განსაზღვრა არ არის საკმარისი ე. წ. ბგერითი ენისათვის, რადგანაც აზრის გაზიარებას გარდა ბგერითი ენა განუყოფელი ნაწილია ჩვენის აზროვნებისა, მაგრამ სამაგიეროთ ამ განსაზღვრის ფარგალში თათქმის თავსდება ბგერითისა და ე. წ. ქესტ-მიმიკის ენის საერთო ნიშანდობლივი თვისება—აზრის გაზიარება.

როდესაც გსურთ აცნობოთ ვისმე, რომ თქვენ ამ წამში ფიქრობთ პურზედ, თქვენ გაქვთ ორი საშუალება: ან ენის ორგანოებით შერბეული ჰაერით უნდა მოახდინოთ ისეთი ბგერა, რომელიც მსმენელს აღუძრავს „პური“-ს სმენით შთაბეჭდილებას, ან და ხელის თითებზე კბენით ან სხვა რაიმე ნიშნით აუხსნათ „პური“, თუ მოსაუბრე თქვენთან ახლოს დგას და გხედავთ, ე. ი. თქვენ მას უნდა აღუძრათ ხედვითი შთაბეჭდილება „პური“. პირველი საშუალება იქნება ბგერითი ენა, მეორე—ქესტის.

უკვე ამ მაგალითიდან სჩანს, თუ რამდენათ დაბლა სდგას ქესტის ენა ბგერითზედ: საკმარისია სიბნელე ან ზურგის შექცევა ერთი მოსაუბრისა, რომ ქესტის ენას ყოველივე აზრი დაეკარგოს. ბგერით ენას (სიტყვას) ჩვენ შეგვიძლია ვუცვალოთ აზრის მიხედვით ფორმა, დაბოლოვება, ადგილი წინადადებაში (მორფოლოგიური და სინტაქსიური ცვლილებანი), ქესტის ენა-კი ამ მხრივ



ბანმარტეზა.

ტფ. უნივ. სტუდ. კავშირის გამგეობის მიერ გამოცემული „ენათმეცნიერების შესავლის“ დანიშნულებაა—აღმოუჩინოს დახმარება ფილოლოგ სტუდენტებს ამ საგანში გამოცდისათვის მზადების დროს.

მსმენელმა არ უნდა დაივიწყოს, რომ „ენათმეცნიერების შესავალი“ იკითხებოდა ორი სემესტრის (1918 წ. გაზაფხული და შემოდგომა) განმავლობაში ორი საათით კვირაში გაცილებით უფრო ვრცლად, ვიდრე ეს დაბეჭდილია ამ სამ წიგნაკში თხუთმეტ ლექციად: მხოლოდ მას შეუძლია დაკმაყოფილდეს დაბეჭდილი ლექციების შესწავლით, ვისაც სრულად მოუსმენია წაკითხული კურსი; ხოლო ვისაც რაიმე მიზეზის გამო არ მოუსმენია ზოგიერთ საკითხთა განხილვა, მას შეუძლია შეივსოს დანაკლისი თავ-თავის ადგილას ნაჩვენები ლიტერატურიდან.

შემოდგომის სემესტრის უკანასკნელი ლექციები (1) სამწერლო და საერთო სალაპარაკო ენა, 2) ხელოვნური ენები და მათი კრიტიკა, 3) ენის წარმოშობის საკითხი) არ იბეჭდება, რადგან გამოცდისათვის მათი ცოდნა სავალდებულო არ არის; ხოლო მსურველს შეუძლია გაეცნოს ამ საკითხებს უფრო ვრცლად, ვიდრე ეს წაკითხული იყო, შემდეგი ლიტერატურიდან:

1. O. Jespersen, Phonetische Grundfragen, 1904 Leipzig und Berlin, kap. III: Die beste Aysprache (32—64 გვ.).

2. Томсонъ, общее языковѣдѣніе, გვ. 375...

3. K. Brugmann und Leskien, Zur Kritik der Künstlichen Weltsprachen, 1907.



4. Couturat et Leau, Histoire de la langue universelle 1907.
5. Н Paul, Prinzipien der Sprachgeschichte, Halle, 1909⁴, Kap. IX: Urschöpfung (§§ 122—131).
6. R. Lenz, Über Ursprung und Entwicklung der Sprache (Die neueren Sprachen VIII).
7. Wundt, Völkerpsychologie. Die Sprache, Leipzig 1912³.
8. Житецкий, В. Гумбольдтъ въ исторіи фило-софскаго языкознанія („Вопросы философіи и психологіи“ 1900).
9. Кудрявскій, О происхождении языка („Русская Мысль“ 1912, июль).
10. Погодинъ, Языкъ, какъ творчество, Харьковъ, 1913, 33. 364...

შენიშნული შეცდომები.

წიგნი 1.

გვ.	სტრიქ.	დაბეჭდილია	უნდა იყოს
1	15	იირალია	იარალია
6	1	რის	არის
7	11	ginneken	Ginneken
7	13	Janguage, 191	Janguage, 1901
11	24	ერთეულის	ერთეულს
11	36	ЯЗИКЪ	ЯЗЫКЪ
11	24	იშნები	ნიშნები
13	1	მეგრურ...	მეგრული ენა არ არის
12	28	კლანიფუაცია	კლასიფიკაცია
13	35	სურთო	საერთო
14	11	შედარებითი	შედარებითი
15	35	ურალო ალტაური	ურალ-ალტაური
18	13	სხვა.	სსვა ფილოსოფიური და დრამატიული თხზუ- ლებანი
18	20	ვათე	მვათე
18	21	აზემენიდთა	აქემენიდთა
18	22	ავესტი ნეა	ავესტის ენა
18	23	ავესტა.	ავესტა).
18	24	სპირსულ	სპარსულ
19	2	იონიკო-	იონიურ—
20	9	ურალო-	ურალ—
იქვე		ტურანულ	თურანულ



20	10	თურქო-	სურქული
იქვე		უგრო-	უგრული
"		მონგოლოურისა	მონღოლოურისა
22	33	მოთხოვნეება	მოთხოვნილება
24	39	სამთან ხმოვანება	სამთანსხოვანება
24	42	ცვლილებას	ცვლილება
24	45	ძირები;	ძირები);
24	46	Kutila „მივილებთ“	Kufiea, — მივილებთ
25	2	ყველა,	ყველამ
25	7	refor-e	rêtor-es
25	18	საოცხურს	საფეხურს
25	38	მრავალ-ჯერ	მრავალ—ჯერ
25	45	Jink	Fink
27	39	შეგრძნები	შეგრძნება
27	41	ყოველ ენის	ენის ყოველ
29	25	ნახევარი ნსფერო	ნახევარი-სფერო
29	46	შთსაბეჭდილება	შთაბეჭდილება
30	16	(„ზარის,	(„ზარი“-ს
30.	17	თვითონ.	თვითონ,
30	25	ვერნ. ბრ.	ვერნ. + ბრ..
იქვე		როცი	როცა
30	26 ზევ.	„ზარი“ა	„ზარი“.
30	27 "	აღძრავ,	აღძრავს
30	31 "	„ვერნ. ბრ“	ვერნ. + ბრ +
იქვე		მაგ.	მაგ—
30	5 ქვევ.	ვერ. „ბრ. ენ. ორგ.	„ვერ. + ბრ. + ენ. ორგ.“
30	4 "	გნ. წარმ. ვ. ბრ.	„გნ. წირმ. + ვერნ. +
		ორგ. მიბრ.,	ბრ. + ორგ. მოძრ.“
31	14 ზევ.	(ვერნ.	(ვერნ.)
31	15 "	დეჟ, ვ. მნ. წ. ბ. ენ.	„დეჟ. + ვერნ. + მნიშ.
		ორგ. მოძრ.	წარმ. + ბრ. + ენ. ორგ.
			მოძრ.“.



31	21	„ ვერნ. მნ. წარმ.	„ვერნ.+მნიშ.წარმ.
31	24	„ ბრ. ვერნ.	„ბრ.+ვერნ.“
ოქვ		ვერნ. ბრ.	„ვერნ.+ბრ.“
31	31	„ ვერნ ღვე.	„ვერნ.+ღვე.“
41	33	„ ღვე. ვერნ.	„ღვე+ვერნ.“
31	34	„ ღვე. მნიშვნ. წარმ.	„ღვე+მნიშვნ. წარ- მოდგ.“-ს.
31	35	„ ღვე. ბრ.	„ღვე.+ბრ.“
31	37	„ მნ.წარმ.—ვერნ. ბრ. ორგ. მოძრ.	„მნიშ. წარმ.+ვერნ. +ბრ.+ორგ. მოძრ.
31	38	„ ვერნ. ბრ. ორგ. მოძრ.	„ვერნ.+ბრ.+ ორგ. მოძრ.“
31	39	„ გამოთქმა:	გამოთქმის (დროს)
31	40	„ მნ. წ. — ვ. დ. გრაფ. ხელ. მოძრაობა	„მნ. წარ.+ვერ+ღვე. +გრაფ.+ხელ. მოძ- რაობა“
31	40	„ მნ. წ. გრაფ. ხელ. მოძრ.	„მნ. წარ.+გრაფ.+ ხელ. მოძრ...“
31	41	„ ღვე. გრაფ. ხელ. მოძრ.	„ღვე+გრაფ.+ხელ. მოძრ..“
31	42	„ ღვე. ვერნ. ბრ. ორგ. მოძრ.+ვ. მნ. წარმ.	„ღვე.+ვერნ.+ბრ.+ ორგ. მოძრ.+ვერ. +მნ. წარმ.“
31	43	„ ღვე. ვ. ბრ. ორგ. მოძრ.	„ღვე.+ვერ.+ბრ. +ორგ. მოძრ..“
31	44	„ ღვე. ბრ. ორგ. მოძრ.	„ღვე.+ბრ.+ორგ. მოძრ.“
31	1 ქვევ.	ღვე. (მან. წარმ.; ღვე. ბრ. ორგ. მოძრ. ვერნ./მნ. წარმ.	„ღვე.+მნ. წარმ.“, „ღვე.+ბრ.+ორგ. მოძრ.+ვერნ.+მნ. წარმ.“
32	22	ზევ. დაღლილობისაგანც;	დაღლილობისაგანაც),




32	27	„	სირთულე,	სირთულე
32	33	„	მივილოთ.	მივილოთ
32	34	„	გადაცმის	გადაცემის
32	35	„	აღმოჩნათა	აღმოჩენათა
32	2	ქვევ.	Осокон	Осокин

წიგნი II

3	11	ზევ.	რა	რა და რა.
5	1	„	ჰ, ბ,	ჰ, ფ, მ,
5	3	„	(სკლომა**	(სკლომა)**
5	20	„	(chaonae).	(chaanae).
6	4	„	ცხვირის მური	ცხვირისმური
6	16	„	ცხვირის მურობას	ცხვირისმურობას
8	3	„	ჟ	ჟ
8	1	ბოლ.	ეწეოდა	ეწოდება
9	14	„	შუაენის.	შუაენის-
9	10	„	რ'ლ	რ,ლ
11	2	„	ვაეის	ქალის
11	1	„	ქალის	ვაეის
13	4	ზევ.	ვაშლის	ვაშლს
15	19	„	ც	ჯ
16	13	„	ჟ	ჟ
18	5	„	Jehrbuch	Lehrbuch
20	8	„	დავინახვთ	დავინახვთ
22	27	„	მნ. წარ.—ვ. + ბ. (ორგ. მოძრ.)	მნ. წარ. + ვ. + ბ. +ორგ. მოძრ.
24	2	ბოლ.	ინტუნაციად	ინტონაციად
26	10	„	გააჩნდება	გაუჩნდება
31	9	ზევ.	მიზიდვი	მიზიდვის
32	17	„	უესტიც	უესტიც
62	3	ბოლ.	ოთვანოვები	ორვანოვები

35	19	"	ინტელუქტი	ინტელექტი
33	12	"	წბრდგენა	წარმოდგენა
33	1	ბოლ.	ნათელი	ნათელ
47	13	"	მიმბაძველობითი	მიმბაძველობით
37	12	"	звукодражатель- НЫЯ	звукоподражатель- НЫЯ
37	7	"	უჭირავს	უჭირავს.
38	17	"	ფუნქციერი	ფუნქციური
39	5	ზევ.	სიტყვა)	(სიტყვა)
40	10	"	გაიადვილა	გაიადვილა.
42	18	"	სიმამაცე“	სიმამაცე“,
47	8	"	შეძინა	შეიძინა
47	26	"	ფრანგი	ფრანგი
48	18	"	e	(e
48	16	"	მოკლე)	მოკლე).
47	23	"	ეი	ეი
48	27	"	წარმოვადგინოთ	წარმოვიდგინოთ
54	5	ქვევ.	წარმოსადგენია	წარმოსადგენია.
59	6	ზევ.	მიხვედვით	მიხედვით
71	16	"	ébuos	équos
71	23	"	dziefi	dzien
76	1	ბოლ.	fsomnus	somnus
82	4	"	მიდის	მიდის:
84	1	ბოლ.	Jauwantdel	Jautwandel
90	11	ზევ.	მხოლორდ	მხოლოდ



მოუხეშავი და მოუქნელია. განსაკუთრებით უძლურია ქვის ენა ზმნის მრავალფეროვნების გამოხატვაში. ქვის ენით ელემენტარულად სარგებლობა უეძლია ცხოველსაც; ეს გარემოება საკმაოდ ახასიათებს ამ ენის ცხოველს.

მართალია, ქვის ენით ჩვენ ხშირად ვსარგებლობთ ყოველ-დღიურ ცხოვრებაში (მაგ. საიდუმლოდ ლაპარაკი საზოგადოებაში ერთ პირთან, სიგნალი და სხვ.; აგრედვე, როცა ცხოვლად აზრის გამოსათქმელად შესაფერ სიტყვას ვერ ვპოულობთ და ხელს მივახმართ და სხვ.); პირველყოფილი ადამიანისათვის უფრო მეტი მნიშვნელობა ქონდა მას, როცა ბგერითი ენა ნაკლებ მოქნილი იყო: ქვტი და ბგერა მაშინ ალბად ერთნაირად თანამშრომლობდენ; მაგრამ აზროვნებამ თავისი წინსვლისათვის გადაჭრილად უპირატესობა მისცა ბგერით ენას. რაც უფრო წინ მიდის ცივილიზაცია, მით ნაკლებ იხმარება ლაპარაკის დროს „ცხოველური“ (ქვის) ენა. ზრდილ ყოფაქცევის წესების მიხედვით (convenience) უწყობად ითვლება ხელებითა და ფეხებით ლაპარაკი?

თუ ადამიანმა ამ ორ ენათა შორის არჩევანი მოახდინა და უპირატესობა ბგერით ენას აკუთვნა, ეს იყო უაღრესი მნიშვნელობის აქტი, რომელსაც ვერ შეედრება ვერც ერთი აღმოჩენა ადამიანის აზროვნების ვერც ერთ სფეროში, რადგან ბგერითი ენა შეიქმნა თავდები ადამიანის განვითარებისა.

იმას გარდა, რომ ბგერითი ენა მრავალ-ფეროვანია, ადვილათ გამოხატავია მთქმელისაგან და ადვილათ გახაგები მსმენელისაგან, — ის განუმორებელი ელემენტია თვით აზროვნებისა, აზრის გაზიარებისაგან დამოუკიდებლად.

განვიხილოთ ჯერ აზრის გაზიარების პროცესი ბგერითი ენის საშუალებით. როცა ენას (ვგულისხმობთ ამას შემდეგ ბგერით ენას) მიემართათ აზრის გადასაცემათ, ამ საშუალებით ჩვენ აზრის და ენის შინაგანი პროცესი გამოგვაქვს გარეთ; ამიტომ ამ მომენტს ვუწოდოთ გარეთი ენა.

გარეთი ენა გულისხმობს, მთქმელსა და გამგონეს გარდა, ობიექტურ მომენტს — პერის მოძრაობას, რომლის საშუალებით მთქმელის ბგერა აღწევს მსმენელის ყურს და აღძრავს მასში იმ წარმოდგენას ან გრძნობას, რომელსაც მთქმელი განიცდიდა (მაგ. იგივე „პური“); მაშასადამე თქმის და გაგონების შედეგი ერთია („პური“), მაგრამ ფსიქო-ფიზიოლოგიური პროცესი-კი სხვადასხვა: მთქმელს აზრი აქვს და ეძებს სიტყვას იმ თანხიდან, რომელიც მას უკვე აქვს; მსმენელს-კი ესმის ბგერა და შემდეგა: ღებერის აზრი, თუ მის ცნობიერებაში გაგანილი ბგერა დაკავშირებულია იმავ წარმოდგენასთან, რომელთანაც მთქმელის ცნობიერებაში: მთქმელისათვის სიტყვა ფუნქციაა აზრისა. მსმენელისათვის პირიქით: აზრია ფუნქცია სიტყვისა. ამ პროცესთა ფსიქო-ფიზიოლოგიური პირობების შესწავლა ცხადყოფს ენის ბუნების მრავალ მხარეს.

თქმა-სმენის სირთულე უფრო შორს მიდის: აქ ხდება ენის შემოკმედება. ყოველი ჩვენი საუბარი, აზრის გასაზიარებლად ენის ყოველი აღძვრა, არის შემოკმედება. ყოველდღიურ ცხოვრებაში ჩვენ ვამბობთ: ეს ადამიანი ენაშეკვრია, მშვენიერად გადმოგვცემს თავის აზრსო. ცხადია, რომ მთქმელი თავის ბგერათა თანხიდან პოულობს საუკეთესო გამოხატულებას თავისი აზრისათვის,



ახდენს იდეათა ახალ კომბინაციებს იმის მიხედვით, თუ როგორა აქვს განვი-
თარებულნი სხვა და სხვა ასოციაციები, რა ინდივიდუალური ნიჭისაა ნიჭი-
გორ სულიერ განწყობილებაშია ლაპარაკის დროს. ერთი სიტყვით, იმის გან-
ენას, შემოქმედებას ეწევა.

აგრედვე ვიტყვით ხშირად: ეს ადამიანი ცუდად ლაპარაკობსო. თქვენ
იტყვი: აქ სადღაა შემოქმედება? ნუ დაგავიწყდებათ, რომ ეს დაფახება მსმე-
ნელისაა; მაშასადამე მსმენელი ხედავს მთქმელის შეცდომებს და ასწორებს და
ავსებს მთქმელის ენას ჩუმიად თავისთვის, იმისდამიხედვად, თუ რა ნიჭისა და
სხვა, მსმენელი; აქაც შემოქმედებაა მსმენელის მხრივ. ყოველ ჩვენგანს შეუძლია
მრავალი მაგალითი მოიყვანოს იმის დასამტკიცებლად, რომ მსმენელს ხშირად
მეტეი ესმის, ვიდრე მთქმელს ჭონდა წარმოდგენილი.


გავეცნოთ ახლა შიგნით, შინაგან ენას. მე ვთქვი: მთქმელი ეძებს სიტ-
ყვას იმ თანხიდან, რომელიც მას უკვე აქვს... ვთქვი აგრედვე: მსმენელს აღე-
ძერის... ის წარმოდგენა... რას ნიშნავს ეს? ეს იმას ნიშნავს, რომ ჩვენი გარეთი
ენა (აზრის ფაზიარების პროცესი) არ არის ენის მთავარი თვისება: გარეთი ენა
არის შემთხვევითი აქტი, დროის და გარემოების მიხედვით (ცხადყოფა ჩვენის
შინაგანის ენისა (იხ. ზემოთ ენის განსაზღვრა).

როცა მე მსმენელს ვეუბნები: „პური“, მე ვგულისხმობ, რომ, თუ ეს მან
გავიგონა, უთუოდ გაიგებს, ე. ი. მის ცნობიერებაში არსებობს ბგერითი და
მნიშვნელობითი წარმოდგენა „პური“*) რომ სმენით შეგრძნებას მსმენელის არსე-
ბაში არ მოენახა უკვე მზა ენა (ამ შემთხვევაში წარმოდგენა „პური“, ჩვენი გა-
რეთი ენა ვერ მიღწევდა თავის მიზანს.

მაგ. ჩვენთვის უცხო ენის ბგერებს გავიგონებთ, გავიმეორებთ კიდეც,
მაგრამ ვერ გავიგებთ, რადგან ჩვენ შესაფერი შინაგანი ენა არა გვაქვს მზად.
აქ ეს შინაგანი ენა (მშობლიური ენა პირველ ყოვლისა) არის აზრის მძლავრი
და აუცილებელი იარაღი, უმთავრესად იმიტომ, რომ ბგერათა წარმოება უფრო
აღვილად გადადის ადამიანის შეუზღებელი მოქმედების სფეროში, ვიდრე ეეს-
ტის ენის ნიშნები: როცა ჩვენ სიტყვას ვამბობთ ჩვენთვის ცნობილ ენაზე (ვან-
საკუთარ. მშობლიურზედ), იშვიათად ვფიქრობთ, თუ როგორ და რა ორგანოე-
ბით გამოვთქვამთ რომელიმე ბგერას.

ეს, ითქმის ყოველ იარაღზედ ყოველდღიურ ცხოვრებაში: რაც უფრო შე-
უკლებლად, მაგრამ მიზანშეწონილად, ვხარობთ რომელიმე იარაღს, მით უფრო
მეტეია ნაყოფიერება ჩვენის საქმიანობისა. ეს ბგერათა წარმოება, როგორც შე-
უზღებელი მოქმედება ენის ორგანოთა, აღარ უშლის ხელს აზრის მსვლელობას;
პირიქით, ადამიანის მთელი ფსიქიური ენერჯია მიმართულია აზრისაკენ, დაი-
მედებული იმაში, რომ აზრის იარაღი—ენა სინდისიერათ ასრულებს თავის და-
ნიშნულებას.

*) შევნიშნავ, რომ შესაძლოა ბგერითი წარმოდგენა გვქონდეს, მაგრამ ვერ
გავიგოთ, მაგ. ჩვენთვის უცხო ენის სიტყვა, რომელსაც გავიმეორებთ კიდეც, მაგ.
რამ ვერ გავიგებთ; აგრედვე შეგვიძლია გვქონდეს მნიშვნელობითი წარმოდგენა,
მაგრამ მაინც ვერ გავიგოთ, მაგ. საკანი, რომელიც გვიხილავს, მაგრამ სახელი არ
ვიცით. ამიტომ აუცილებელია ბგერითი და მნიშვნელობითი წარმოდგენის ერთ
დროული ასოციაცია.



მაგრამ ენის განუყრელობა აზრთან ამით არ განისაზღვრება.

ბგერითი ენის უმთავრესი დანიშნულება არის აზრის დანაწევრება (расчленение, членораздельность). ცხოველსაც შეუძლია გამოხატოს ბგერითი თავისი ელემენტარული შთაბეჭდილება, მაგ. ძაღლის ყუფა (მონადირე ამჩნევს ცხოველს უყუფეს თუ დათვის); მაგრამ ძაღლი გამოხატავს შთაბეჭდილებას უხანალიზოთ, დაუნაწევრებლათ; ამიტომ ეს არ არის ადამიანის ბგერითი ენა. ადამიანი გამოხატავს აზრს ან შთაბეჭდილებას, როცა უყვე ანალიზი გაუყეთა, დაანაწევრა აზრი ენის საშუალებით და აზრის თითოეულ წევრს მიუჩინა თავისი ადგილი (სინტაქსი) და მიანიჭა თავისი ფორმა (მორფოლოგია) აზრას მიხედვით. სრულიად უბრალო, მარტივი წინადადება რამდენიმე ნაწილისაგან შესდგება: მაგ. „ბავში თამაშობს“ ცხოველი ხედავს პატარა არსების მოქმედებას: მისთვის, უენოსთვის ეს ორი ცნება „ბავში“ და „თამაშობს“ განუყრელია. ადამიანი-კი ამ პატარა არსებას სახელს მოუძებნის და შესაფერ ბრუნვაში დასვამს (ბავში, ბავში-შა,—ის)... მის მოქმედებას განაცალკევებს მოქმედების მატარებლისაგან და მოქმედებას თავის სახელს მოუძებნის (ხზნა: თამაშობა) და შესაფერ დროსა და პირში დასვამს (თამაშობს, უთამაშია...). აი ეს ნაწევროვანი ენა ჰყოფს ცხოველს ადამიანისაგან გარდაუვალის უფსკრულით.

ადამიანი აზროვნობს ნაწევროვანი, ბგერითი ენით მაშინაც-კი, როცა მას აზრადაც არა აქვს ვისმე გაუნაწილოს თავისი შთაბეჭდილებანი.

სიტყვა არის წარმოდგენის სიმბოლო. მრავალი ჩვენი წარმოდგენა მკრთალია და ადვილათ დაიკარგებოდა ან აირეოდა, რომ მათ სიტყვით (ბგერით) არ ვაკავებდეთ და არ ვიჭერდეთ. ცნებათა შექმნა კი ყოვლად შეუძლებელი იქნებოდა უსიტყვოთ. ისეთ განწყენებულ ცნებებს რომ თავი დავანებოთ, როგორცაა „სიცოცხლე“, „მსოფლიო“, „სიარული“, „დაქერა“ და სხვ., კონკრეტი საგნების წარმოდგენაც-კი გავვიპირდებოდა უსიტყვოვლად.

აზროვნების წინსვლაში თანამშრომლობს ენა აგრედვე მით, რომ სკვნის და ამკვიდრებს აზრის ნამოქმედარს და ამით მას წინსვლას უადვილებს. მაგ., ავიღოთ სუფიქსის მნიშვნელობა აზროვნებაში: გონებამ აღნიშნა მოვლენათა და საგანთა შორის მომქმედი, ენამ-კი შესაფერი სუფიქსი მისცა: —ელი (მკეთებელი, მკრელი, მსმელი...); გონებამ აღნიშნა მოქმედების კატეგორია, ენამ მიაწოდა სუფიქსი —(ებ), —(ობ): კეთება, შეგნება... ენამ მტკიცეთ დაამკვიდრა აზროვნების ეს საფეხური და ამით წინსვლის საშუალება მისცა მას.

ზემო ნათქვამიდან უკვე ცხადია, თუ რა მიზანი უნდა ქონდეს ლინგვისტს, ენის მკვლევარს*.)

*) პოლიგლოტიზმი (მრავალ ენათა მცოდნეობა) არ ნიშნავს ლინგვისტობას: შეგვიძლია მრავალი ენა ვიცოდეთ, მაგრამ ენის ბუნებაზედ ძალიან ბუნდოვანი წარმოდგენა გვქონდეს. რა თქმა უნდა, ლინგვისტიკათვის სასარგებლოა, რაც შეიძლება მეტი ენა იცოდეს, მაგრამ საკმარისია იცოდეს რამდენიმე და მათ შორის ერთი განსაკუთრებით საფუძვლიანად. თუ რას ვუწოდებთ ენის საფუძვლიანად ცოდნას, ამას შემდეგ გავიგებთ ვიტყვი აქ მხოლოდ, რომ ენის მეცნიერული ცოდნა სრულიად არ გულისხმობს აუცილებელივ მის პრაქტიკულ ცოდნას, თუმცა ეს სასურველია.

პირველ ყოვლისა ენის მკვლევარმა არ უნდა დაივიწყოს, რომ ენა არის განუწყვეტელი მოქმედება (дѣятельность); ენა არ არის უცვლელი, უძრავი, ერთხელ და სამუდამოდ დადგინებული რამ: ენა მუდმივი ცვალებადობაა — ბგერათა, სიტყვათა, ფორმათა და გამოთქმათა. თუ რომელიმე ეს ელემენტო ხმარებიდან გამოდის მოკლე დროთი მაინც, ის კვდება, სწყვეტს არსებობას; მაგრამ თუ ენა არ კვდება, ეს იმ გარემოების წყალობით, რომ ამ ცვალებადობის და სიკვდილის პროცესს თან სდევს აღორძინების პროცესი: ჩნდება ახალი ბგერა, ფორმა, სიტყვა და გამოთქმა. რადგანაც ენა მუდმივი ცვალებადობაა, ამიტომ მისთვის ვიწროა ყოველივე ჩარჩო გრამატიკის სახით: ენის მიმდინარეობის პროცესი ყოველთვის უფრო სწრაფია, ვიდრე მისი შესწავლისა; ამიტომ გარდაუვალი ჩარჩოს შექმნა შეიძლება მხოლოდ იმ ენისათვის, რომელიც მოკვდა, ე. ი. ყოველდღიური ხმარებიდან გამოვიდა. მეორე მართ, დასწერეთ თქვენ გრამატიკა ამა თუ იმ ენისა მისი განვითარების განსაზღვრულ საფეხურზე და თქვენ გექნებათ უსიციოცხო ნაწილი ცოცხალი ორგანიზმისა.

ამიტომ ენის ბუნების ყოველმხრივი შესწავლა შეძლება მხოლოდ ცოცხალ ენაში. თუ რა მეთოდებით ვხელმძღვანელობთ მკვლარ და ცოცხალ ენათა შესწავლის დროს, ამაზე შემიდეგ.

ენას ცვალებადობის შედეგია მასში დიალექტების, კილოკავების წარმოშობა. ცვალებადობის მიზეზები უნდა ვეძიოთ როგორც გარეშე პირობებში (ფიზიურ, ფიზიოლოგიურ და სოციალურში), აგრედვე ადამიანის ფსიქიურ ორგანიზაციაში. ამ მიზეზთა კვლევა შეადგენს ლონგვისტის უმთავრეს საგანს.

პიროვნებას მუდამ შეეძქს ენაში ახალი რამ, მაგრამ საზოგადოება მას დარაჯად ყავს: ის უღობავს გზას და სპობს ენის იმ ინდივიდუალურ მოვლენებს; რომელიც მას ეუცხოვება, არ მოსწონს ან არ ესმის.

რადგანაც ენა სოციალური მოვლენა ყოფილა, ამიტომ ენათმეცნიერება ეკუთვნის კულტურულ-ისტორიულ მეცნიერებათა დარგს; მაგრამ უნდა ვთქვათ, რომ ენათმეცნიერება სხვა ყველა კულტურულ-ისტორიულ მეცნიერებათა შორის უსწორესი მეცნიერებაა თავის მეთოდებით.

ენათ-მეცნიერება განიყოფება რამდენიმე დარგად; თითოეული იკვლევს ენას განსაზღვრული მხრით:

ა) ფონეტიკა ანუ ბგერათა ისტორია, რომელიც იკვლევს ბგერათა ცვლის „კანონებს“ ამა თუ იმ ენაში.

ბ) მორფოლოგია — მეცნიერება სიტყვის ფორმათა და ფორმალურ მნიშვნელობათა შესახებ.

გ) სინტაქსი იკვლევს წინადადებათა ფორმებს და მათ ფორმალურ მნიშვნელობას.

დ) სემასიოლოგია ანუ სემანტიკა არკვევს ენის ცვალებადობას სიტყვის შინაარსის მხრივ.

ე) ლექსიკოლოგია.

ლიტერატურა



ქართული
ენციკლოპედია

1. Томсон, Общее языкоѣдѣніе. Одесса 1910² г.
2. Richter. Wie wir sprechen? Lpz. 1912 (არის რუსულად: Как мы говорим)? СІБ. 1912 гв.
3. Богородицкій, лекціи по общему языкоѣдѣнію, Казань 1915²
4. Водуэн-де-Куртэнэ, Введение в языкоѣдѣніе 1916 (ლიტოგრაფ.)
5. Кудрявскій, Введение в языкоѣдѣніе, Юрьев 1913².
6. Погдин, Язык как творчество, Харьков 1913
7. Paul, Prinzipien der sprachgeschichte Halle 1909⁴
8. Потебня, Мысль и язык, Харьков, 1892.
9. I. van ginneken, Principes de linguistique psychologique, Paris 1907.
10. Sweet, History of Janguage, 191.

ლექცია მეორე

ბუნებრივი და ხელოვნური ენა. როგორ მუშავდება ხელოვნური (ლიტერატ.) ენა? ქართული ლიტერატ. ენა. ანტაგონიზმი ხელოვნურ და ბუნებრივ ენათა შორის. რევოლუცია ლიტერატურულ ენაში.

ახალ მოვლენათა წარმოშობისა და მათი ენაში დამკვიდრების პირობები: გენერაციათა ცვლა; მცხოვრებთა გამრავლება და მოსახლეობის გამოცვლა; გეოგრაფიული და კლიმატიური ფაქტორები; სხვა ენის გავლენა. დამონებული და გაბატონებული ერის ენა. დიალექტი და ენა. კილო, კილოკავი, თქმა და ქცევა. დაყოფის ხირთულე. წინაპარი ქართული ენა და მისი შთამომავლობა. მათი ურთიერთ განწყობილება. მეგრული ენა თუ კილო? „ქართული“. ანალოგია სლავურ ენათა. ლინგვისტის მზნანი. მონათესავე ენები—ერთი ენის სხვადასხვა ევოლუციის შედეგია. გენეალოგიური კლასიფიკაცია.

პირველ ლექციაში ჩვენ გავეცანით ენის ცვალებადობას. გავიგეთ, რომ ენა არასოდეს არ ჩერდება ერთ წერტილზე და მუდამ განვითარების პროცესს განიცდის. როცა ამას ვამბობდი, მე მქონდა სახეში ცოცხალი, ყოველდღიურ ცხოვრებაში სახმარი ენა, რომელსაც ამიერიდან ვუწოდებ **ბუნებრივ, ხალხურ ენას**. მაგრამ, თუ აღამიანი მაინც ახერხებს ამ განუწყვეტელი პროცესის—ენის შესწავლას, ესაა მისი ხელოვნური მოქმედების ნაყოფი, ე. ი. აღამიანი ქმნის **ხელოვნურ, საერთო ენას**; ასეთი ენის შექმნა წარმოადგენს აუცილებლობას როგორც ურთიერთ გავების საპირობისათვის, აგრედვე იმავე ცოცხალი ენის მოვლენათა გასარკვევად.




მხოლოდ ლიტერატურული ანუ მწერლობის ენა ერთ წერტილზე შეჩერებული, დამორჩილებული გრამატიკის ნორმებს. ჩვეულებრივ ლიტერატურული ენა მუშაედება ენის რომელიმე დიალექტის ნიადაგზე, იმ დიალექტის, რომელიც რაიმე მიზეზის ან მოსაზრების ძალით ითვლება იმ ზომ „უკეთესად“, რომ წარმოდგენილია მიბაძვის საგნად. ასეთ მიზეზად შეიძლება იყოს პოლიტიკურ, ეკონომიური ან კულტურული უპირატესობა ერის იმ ნაწილისა, რომელიც იმ 'უკეთეს' დიალექტზე ლაპარაკობს. ამ პირობებს გარდა და ხშირად დამოუკიდებლად მათგან საკმარისია რომელიმე ერთ დიალექტზე სწერდეს ერთი შესანიშნავი მწერალი, რომ ეს დიალექტი გახდეს მთელი ერისათვის ენის ნიმუშად. ეს ენა ხდება მწერლობის ენად, და განათლებულ წრეებშიაც ამ ენაზედ ცდილობენ ლაპარაკს. იქმნება და წესდება 'კანონები' და ნორმები ამ ენისათვის, რომელთა დარღვევა ენის უცოდინარობად ითვლება. ენის 'დაკანონუნების დროს მასში შედის მრავალი ელემენტი მეზობელ დიალექტებიდან, ისეთი ელემენტები, რომელნიც არ არიან ნაყოფი დაკანონებული დიალექტის ორგანიული განვითარებისა. დიალექტები-კი განაგრძობენ თავის განუწყვეტელ განვითარების პროცესს, ის დიალექტიც, რომლის განვითარების ერთი საფეხური დაკანონებულ ენაში გაიყინა.

მაშასადამე ლიტერატურული ენა ერთის მხრით სწყვეტს კავშირს ენის ბუნებრივ განვითარებასთან და მეორე მხრით, შეაქვს თავის საგანძურში უცხო ელემენტები სხვა დიალექტებიდან, ამიტომ ყოველი ლიტერატურული ენა ხელოვნურია.

მაგალითისათვის ავიღოთ თანამედროვე ქართული ლიტერატურული ენა, რომელსაც (ძველ ლიტერ. ქართულს გარდა) უმთავრესად ქართლური დიალექტი უძვეს საფუძვლად; სხვა ქართულ დიალექტთაგან ქართლურის გამორჩევა ლიტერატურული ენისათვის შედეგია უმთავრესად პოლიტიკურ და კულტურულ პირობათა (იხ. ზეით). ამა თუ იმ მიზეზით ქართლური შეიქმნა 'უკეთეს', მისაზომად დიალექტად. მაგ. სიტყვა 'წავიდნენ'-ისათვის განსაზღვრულ მომენტში არსებობს სამი ან მეტი ფორმა, სახელდობრ: წვეიდენ, (იმერული), წავიდნენ (ქართლური) და წავიდეს (ხევსურული); დამკვიდრდა ქართლური წავიდნენ, რადგან ქართლური, ხსენებულ მიზეზთა წყალობით 'უკეთეს' დიალექტად იყო ცნობილი იმ მომენტში, თუმცა არავითარი განსხვავება ამ ქამ ფორმათა შორის არ არსებობს აზრის მხრივ...

ადვილად შესაძლებელია, რომ მომავალში ენა ხმარების პროცესში იცვალოს და იმავე ცნების გამოსახატავად სხვა ფორმა შექმნას. რომელიც ბოლოს რ ბოლოს შევა მწერლობაში და ძველის ადგილს დაიკავებს, როგორც ამ ძველმა დაიკავა უფრო ძველის ადგილი.

ამგვარად ხდება ერთი დიალექტის გაბატონება დანარჩენებზე, მაგრამ ამ ფაქტიდან არა სჩანს, თუ როგორ შედიან ლიტერ. ენაში სხვა, ძირითად დიალექტისთვის (ქართლურ.) უცხო ელემენტები, ე. ი. ისეთი ელემენტები, რომელნიც არ არიან ამ დიალექტის ევოლიუციის ნაყოფი. იმავე ლიტერატ. ქართულ-



ში მაგ. გვაქვს ძველადგანვე ორი სიტყვა: **ჯაჭვი** და **ძეწკვი** ერთისა და იმავე საგნის აღსანიშნავად; განსხვავება მხოლოდ საგნის სიდიდეშია. ფორმა **ჯაჭვი** ქართული არ შეიძლება იყოს ქართული ფონეტიკის თვალსაზრისით, ხოლო ფორმა **ძეწკვი** არაა შედეგი ქართულ (ან ქართულურ) ბგერათა ევოლუციისა; ის არის ნაყოფი ბგერათა იმ ცვალებადობისა, რომელსაც **ქონდა ძალა** მხოლოდ **მეგრულში**, საიდანაც ქართულმა ისესხა მზა ფორმა **ჯაჭვი**. ქართული ფორმა ამ სიტყვისა არის **ძეწკვი**, რომელიც მნიშვნელობით სრულიად უდრიდა **ჯაჭვს**. შემდეგში აზროვნებამ გამოიყენა ეს ორი ერთი მნიშვნელობის სიტყვა (ერთი სხვისი და ერთიც თავისი) სხვა და სხვა ცნებათა გამოსახატავად: **ჯაჭვი** დიდისათვის და **ძეწკვი** პატარასთვის... აქ უკვე იწყება სემასიოლოგიის სფერო (იხ. შემდეგი ლექციები).

ანტაგონიზმი მწერლობის ხელოვნურ და ბუნებრივ დიალექტურ ენათა შორის (განსაკუთრებით მწერლობის ენის მხრივ დიალექტურის სრულიად უსაპართლოდ აბუჩად აგდება) იწყება ხელოვნური ენის დაკანონების დღიდან; მაგრამ ენის ევოლუციას თავისი ვააქვს და საზოგადოების ის ელემენტებიც-კი, რომელნიც ცდილობდნენ ხელოვნურ ენაზე ელაპარაკნათ, ან მათი შთამომავლობა, უკვე უხერხულობას გრძნობენ დაკანონებული ენით ლაპარაკში. ცხადია მათ თავისდა შეუშინებლად, ხმარების პროცესში ეს ენა შეუცვლიათ ღ მას დაშორებიან. აქ იწყება რეკოლიუცია ლიტერატურულ ენაში: ის იძულებულია ახალ მოთხოვნილებათა მიხედვით გარდაიქმნას, ყოველდღიურ ენას დაუახლოვდეს და ხელახლა დააკანონოს მისი განვითარების რომელიმე საფეხური... ასე ხდებოდა ყოველ ლიტერატურულ ენაში, ხდება და უნდა მოხდეს მომავალშიც.

ცოტა ზემოთ მე ვინმარე სიტყვა „ხალხური ენა“; უმჯობესი იქნებოდა მეტყვა 'ხალხური ენები' რადგანაც ერს აქვს ლიტერატურული ენა ერთი, ხოლო კილოკავი მრავალი.

ჩვენ ხშირათ ვიტყვი: ამა და ამ პირს თავისებური ენა აქვსო. მაშასადამე ჩვეულებრივ სალაპარაკო ენას ამ პირმა ცოტაოდნად გადაუხვია თავის ფიზიოლოგიური, ფსიქიური და ინდივიდუალი ორგანიზაციის მიხედვით. ყოველი ჩვენგანი ამ ცვალებადობის მონაწილენი ვართ და ამიტომ ბევრ ამგვარ გადახვევას ვერ ვამჩნევთ. ბევრ მათგანს ვამჩნევთ, მაგრამ შეცდომად აღვიარებთ და ამნაირად გავრცელების გზას არ ვაძლევთ.

მაგრამ, თუ მთელი ჯგუფისათვის (საზოგადოებისათვის) საერთოა ცვალებადობის პირობები, რომელთა წყალობითაც წარმოიშვა ახალი ბგერა, ფორმა, სიტყვა ან გამოთქმა, იმ შემთხვევაში აუცილებლად დამკვიდრდება ეს ახალი მოვლენა; აქ ეყრება საფუძველი დიალექტის წარმოშობას. ეხლა შევეუდგები ამ საერთო ხასიათის პირობათა და მიზეზთა განხილვას; ვიტყვი აქ მხოლოდ ვაკვრით, რომ ყოველ ცალკე ოჯახს, სოფელს, კუთხეს და მხარეს აქვს თავისებური 'ენა', ცოტაოდნად მაინც განსხვავებული მეორე ოჯახის, სოფლისა და კუთხის ენისაგან. თავისებური 'ენა' უფითარდება საზოგადოების ყოველ კლასს, წოდებას ან პროფესიულ ჯგუფს: ექიმებს, იურისტებს, მღვდლებს და აგრედვე ქურდ-ბაცაცებსაც.



რაც უფრო დიდია ერთეული რიცხვით, მით მეტია განსხვავება მეორე ერთეულის ენისაგან. რამდენადაც უფრო ხშირია ამ ერთეულთა შორის მისვლა მოსვლა, მით ნაკლებია მათი ენის განსხვავება.

იმ პირობათა შორის, რომელნიც ხელს უწყობენ ენის ცვლილებათა დამკვიდრებას, პირველად დაეახებულე **გენერაციათა მონაცვალეობას** ანუ შთამომავლობათა ცვლას. ბავში ეჩვევა ლაპარაკს მოზრდილთაგან მიბადვით: ის იმეორებს მას, რაც ესმის და როგორც ესმის, მაგრამ ზოგი წვრილმანი გამოვარება მის ყურადღებას; ძალიან იშვიათად მოხდება, რომ ბავშვმა სრულიად უფროსთა მსგავსი ენა შეითვისოს: მას უსათუოდ შეაქვს ახალი რამ ენაში, მაგრამ თუ ეს ახალი რამ შემთხვევითი ხასიათისაა, ის იწვევს დაცინვას, რაც ბავშვს აიძულებს თავისი შეცდომა გაასწოროს; ხოლო თუ ამ ახალ მოვლენას იმდენად ღრმა ფესვები აქვს, რომ ის წარმოადგენს საერთო მოვლენას მრავალ ბავშვთათვის, მაშინ მისი აღმოფხვრა ყოველად შეუძლებელია ამ გენერაციაში. ასეთი შემთხვევის საილიუსტრაციოდ პროფ. მეიეს (Meillet) ასეთი მაგალითი მოყავს: ჩრდილოეთ საფრანგეთში განსაზღვრულ მომენტში ბავშვებს გაუჭირდათ **l mouillée**-ს გამოთქმა და მის მაგიერ იხმარეს იოტა ($y = e$); ეს ახალი მოვლენა დამკვიდრდა ფრანგულში, რადგან მას საერთო ხასიათი ქონდა.

ამ ფაქტორს არ ექნებოდა დიდი ძალა, თუ რომ მცხოვრებთა რიცხვის ზრდას არ მოეთხოვა საცხოვრებელი ადგილის გამოცვლა; ენას, რა თქმა უნდა, ექნებოდა განვითარების სხვადასხვა საფეხური, მაგრამ დიალექტები-კი არ წარმოიშობოდა, რადგან ამ ენაზე მოლაპარაკენი ერთი მეორესთან მუდმივი მისვლა-მოსვლით წაშლიდნენ იმ უსწორ-მასწორობას, რომელიც მუდამ უნდა ჩნდებოდა ყოველ ენაში. მაგრამ მცხოვრებთა გამრავლება მოითხოვს ვრცელ ტერიტორიაზე გაშლას, ხოლო ამ ვარემოებას თან დაყვება ენაში იმ ახალ მოვლენათა განმტკიცება, რომელნიც ერთად ყოფნის დროს უთუოთ წაიშლებოდნენ.

განსაკუთრებით ბგერათა ცვლილებაზე გავლენა აქვს აგრედვე იმ გეოგრაფიულ და კლიმატიურ პირობებს, რომელშიც ცხოვრება უხდებათ გადასახლებულთ. ეს ფაქტორი არაა მაინცა და მაინც დიდი მნიშვნელობის, თუმცა ზოგჯერ საკმაო განსხვავებაა, მაგალითად, ერთსა და იმავე ენაში მთასა და ბარში. ხმის ტონის განსხვავება-კი უქვეელი ფაქტია, მაგ. პირქუშ ჩრდილოეთისა და მზიან სამხრეთის ენათა შორის. ენაში მრავალი დიალექტის გაჩენას ხელს უწყობს მცხოვრებთა ერთი-მეორესაგან განკერძოება ბუნებრივი საზღვრებით, მაგ. ძნელად გასაველ მთებით ან მდინარეებით. ძველი-ბერძნულის დიალექტური სიმრავლე აიხსნება ამ ფაქტორის გავლენით. საქართველოს პატარა ტერიტორიაზე მრავალ დიალექტთა არსებობა ამგვარად აიხსნება უმთავრეს ნაწილად.

დიდი ცვლილება შეაქვს ენაში აგრედვე სხვა ერის ენას, რომელთანაც შემთხვევით გეოგრაფიული მეზობლობა უხდება. როგორიც უნდა იყოს ამ ორ მეზობელთა შორის დამოკიდებულობა, მათ უხდებათ ერთი მეორეში მისვლა მოსვლა და სულ სხვა ძირის ენა გავლენას ახდენს მეორეზედ, განსაკუთრებით



ლექსიკის მხრივ; თუ შორეული ნათესაობა მიიწვდის არის ამ ორ ენაზე ერთნაირად ვაგვლენა ძლიერდება.

ამიტომ შეიძლება ითქვას, რომ არ არსებობს ისეთი ენა, რომელშიაც არ მოინახებოდეს ოდესღაც მასთან მომიჯნავე ენის ელემენტები. უმეტეს ნაწილად დაპყრობილი ერის ენა მეტ ცვლილებას განიცდის დამპყრობელთა ძალადობით, მაგრამ ხშირად დამონებული ერის ენას, თუ ის კულტურულად მაღლა დგას, მეტი გავლენა აქვს გაბატონებულთა ენაზე: მოიგონეთ, მაგალითად, გამარჯვებულ გერმანელთა ბედი რომანულ ქვეყნებში, სადაც უფრო მაღალი კულტურა იყო. გავლენა უცხო ენისა მდგომარეობს არა მხოლოდ ენის ლექსიკის ცვლილებაში, რომელიც გამოიხატება კულტურულ საგანთა და ცნებათა სახელების სესხებაში, არამედ ახალ ბგერათა შექმნაშიც; მაგ., სანსკრიტში ე. ი. ძველ-ინდოურში არსებობენ ეგრეთწოდებულნი ენის წვერისმიერი ბგერანი (t, d, n, th, dh*), რომელთა მსგავსი არც ერთ მის მონათესავე ენაში არ გვაქვს (მაგ. ლათინ., ბერძნ., გერმ., სლავ. და სხვ.); მაშასადამე, ეს ბგერანი თვით სანსკრიტულშიც არ ყოფილა თავისი; მართლაც ეს ბგერები გვხვდება დრავიდულ ენებში (იხ. ქვემოთ), რომელთანაც გეოგრაფიულად დაკავშირებული იყვნენ და არიან ძველი და ახალი ინდოელები. ამგვარივე მეზობლობით მსნიან ევროპიელი მეცნიერები სომხური ენის მრავალ ბგერათა მსგავსებას ქართულის ბგერებთან. ოსურსაც მრავალი ბგერა შეუქმნია ქართულისაგან.

აქამდე მეცხარობდი სიტყვა „დიალექტ“-ს სხვა და სხვა შინაარსის ცნებათა აღსანიშნავად. მე ვამბობდი, ყოველი ენა წარმოშობს დიალექტებს ხსენებული ფაქტორების ზეგავლენით მეთქი. მაგრამ, როგორც უკვე ვთქვი, არა თუ ერის რომელიმე კუთხე განსხვავდება მეორესაგან ამ მხრივ, არამედ ხშირათ ერთი სოფელიც მეორესაგან და სხვა. ვთქვი აგრედვე, რომ რაც უფრო დიდ ერთეულის (და მასთან გეოგრაფიულად დაშორებულს მეორესთან) ავიღებთ, მით მეტია განსხვავება მათ შორის. მაშასადამე, განსხვავება დიალექტთა შორის ხან მეტია ხან ნაკლები. ამიტომ მეცნიერებაში უნდა არსებობდეს ტერმინები განსხვავებათა მეტ-ნაკლებობის გამოხატავად, რადგან „დიალექტი“, „დიალექტური ხიზნები“ გამოხატავს მხოლოდ განსხვავების არსებობას.

თვით სიტყვა „ენა“-ც არ გამოხატავს რაიმე აბსოლიუტურ ცნებას, ჩვენ შეგვიძლია „ენა“ ვუწოდოთ როგორც მთელი ერის ენას, აგრედვე რომელიმე კუთხის, სოფლის წოდების ან კიდევ რომელიმე ავტორის ენასაც (ვიტყვი: აკაკის ენა, ვაჟას ენა და სხვა.). მაგრამ მეცნიერების საჭიროებისათვის უნდა გვქონდეს ამ გრადაციის გამოხატველი ტერმინები. ამიერიდან შემდეგ სახელებს ვუწოდებთ ენის დაყოფას მსხვილიდან წვრილამდე: ენა—კილო—კილოკავი—თქმა—ქცევა (языкъ—нарчiе—поднарчiе—говор—подговор).

აღინგვისტკაში ენა ეწოდება რომელიმე ერის კილო ქცევათა ერთიანობას, მაგრამ, როგორც უკვე ცხადია ნათქვამიდან, ენა შეგვიძლია ვუწოდოთ თითოეულ ქცევასაც-კი, თუ ვფიქრობთ მხოლოდ მასზე და სახეში არ გვაქვს მისი უფრო მსხვილ ერთეულთან შედარება; ხოლო სისწორისათვის უმჯობესია ხსენ-

* იგულისხმე ეს ასოები წერტილით ქვეშ. (ტიპოგრაფიაში აღზად შესაფერი იზნები არ აღმოჩნდა).



ნებულ დაყოფვას მივსდით მტკიცედ. მიაქციეთ ყურადღება, რომ ამ დაყოფვიდან გამორიცხულია მწერლობის ლიტერატურული ენა, როგორც ხელნაწერი და ამიტომ ენის ბუნებრივი განვითარების არ მონაწილე. ვიდრე თქმულის საილუსტრაციოთ ქართული ენიდან მავალითს მოვიყანდე, საჭიროდ მიმაჩნია მოვიხსენიო ენის კილო-ქცევათა დაყოფვის სიძნელე და სირთულე. რომ ავილოთ, მაგ., ყველაზე წვრილი დიალექტური ერთეული—ქცევა, შევამჩნევთ, რომ ის არ წარმოადგენს რაიმე განმარტოებულს მოვლენას, არამედ ზოგი ნიშანი მას აქვს საერთო ერთ სხვა ქცევასთან, ზოგიც მეორესთან და სხვა.

ესთქვათ, A ქცევას ახასიათებს მოვლენები a, B, c; ხოლო მის ახლობელ B ქცევა-ს a¹, B¹, c¹; მაგრამ ამასთანავე შესაძლებელია A-ს რომელიმე ნაწილში არსებობდეს აგრედვე მოვლენები d, e, რომელნიც გვხვდება აგრედვე B-ს რომელსავე ნაწილში.. ცხადია, თუ d, e-ს რაიმე მნიშვნელობას აძლევს მკვლევარი, მან უნდა გამოყოს ქცევა C (შედგენილი A-სა და B-ს ნაწილთაგან), რომელსაც ახასიათებს d, e...


თუ მხედველობაში არ ვიქონიებთ ქართულ ლიტერატ. ენას (იხ. ზემოთ, და მოვიგონებთ ენის ლინგვისტურ განსაზღვრას (კილოქცევათა ერთიანობას), აი რა სურათი წარმოგვიდგება თვალწინ*):

იყო წინაპარი ენა, რომლისაგანაც განვითარდა ქართლური, მეგრული და სვანური კილოები. მათგან ქართლური კილო დაედო საფუძვლად ქართულ ლიტერატურულ ენას. მაშასადამე, ამ სამ ჯგუფს ეწოდება კილო მხოლოდ წინაპარ ენის მიმართ. კილოთა შედარებით-ისტორიული შესწავლით მკვლევარი აღადგენს იმ წინაპარ ენას, რომელზედაც ლაპარაკობდა მთელი ქართველი ერი ჯერ კიდევ გეოგრაფიულად ერთი მეორესთან დაუშორებელი. მომავალ კილოთა (ქართლურ, მეგრულ და სვანურ) მხოლოდ ჩანასახი არსებობდა. მცხოვრებთა გამრავლებას თან დაეყვა ამ ჩანასახის კილოთ ქცევა. შემდეგ, როცა თითოეული კილო თავის მხრივ იზარდა, მისგან წარმოიშვა მრავალი კილოკავი, მაგ. ქართლურისაგან: ქართლური, იმერული და სხვა; მეგრულისაგან: სამურდაყანო-ზუგდიდური, სენაკური (იხ. პროფ. ყიფშიძის Грамм. мингрельскаго яз. СПб. 1914, გვ. XVIII). კილოკავებიც იზარდა, გაჩნდა თქმა; მაგ. იმერული, რაჭული და სხვა. თითოეულ თქმასაც თავისი ქცევა აქვს; მაგ. ზემო და ქვემო იმერული და ასე ამგვარათ.

თუ ჩვენ განვიხილავთ მეგრულ კილოს წინაპარ ენასთან დამოუკიდებლად ჩვენ შეგვიძლია მას ენა ვუწოდოთ; მაშინ სამურდაყანო-ზუგდიდური და სენაკური იქნება კილო.

მეგრული ენა იქნება „ქართული“-ს კილო მხოლოდ იმ შემთხვევაში, თუ შეთანხმების ძალით, პირობით ყველა ამ კილოთა წინაპარს ვუწოდებთ „ქარ-

*) რთული მეცნიერული ანალიზი ქართული ენის მოვლენათა აქ უადგილო იქნებოდა. მსურველთ შეუძლიანთ გაეცნონ ამ ანალიზს „იფეტუ“-ს ენათმეცნიერების წარმომადგენელთა (მარის, ყიფშიძის და შანიძის) ნაწერებში.



თულს“. ყოველ შემთხვევაში მეგრურ ძლნა სა არის კილო იმ ქართულისა, რომელზედაც დღეს ჩვენ ვწერთ და ლაპარაკს ვცდილობთ (იხ. ზემოთქვემოთხსენებული ციკლის არის ხელოვნური ლიტერატურული ენა, დამყარებული უმთავრესად ქართული თლურ კილოზე; ეს უკანასკნელი კი ისეთივე გამონაცოფია „ქართული“-საგან, როგორც მეგრული და სვანური. ერთი სიტყვით, ისინი არიან ერთ წყაროდან გამომდინარე, მხოლოდ სხვა და სხვა ევოლიუციის ნაყოფ*).

ჩვეულებრივ ჩვენ შეგვიძლია ვთქვათ, რომ ქართული, მეგრული და სვანური ისეთივე ახლო მონათესავე ენებია, ერთი მეორეში, როგორც უკრაინული, რუსული და ბელორუსული, რომელთაც აგრედვე საერთო წინაპარი ენა ქონდათ: წინაპარი რუსული ენა (прарускй яз.); ან და ისეთივე, როგორც არიან (ან იყვნენ) ერთი მეორესთან სერბული, პოლონური, ჩეხური, „რუსული“ (წინაპარი რუსული) და სხვა სლავური ენები, რომელთაც აგრედვე საერთო წინაპარი ყავდათ წინაპარი სლავური ენა (праславянскй яз.)


ამ წინაპარ ენათა აღდგენა მონათესავე ენათა შედარების საშუალებით შეადგენს ლინგვისტის ერთ მთავარ მიზანს. ნათესავე ენებათ ითვლებიან ისეთი ენები, რომელნიც წარმოადგენენ ერთი წინაპარი ენის სხვა და სხვა ევოლიუციის შედეგს. მაგრამ ერთი ენა ჩქარის ტემპით ვითარდება, მეორე არა; ამიტომ ერთი ენა მეტად შორდება თავის წინაპარს, მეორე ნაკლებ, მაგ. ლიტაურმა ენამ მრავალი ძველი ფორმა შეინახა, ფრანგულმა-კი თითქმის სრულიად დაკარგა ინდო-ევროპული სტრუქტურა. ლინგვისტი იკვლევს ნათესავე ენათა შორის ნათესავე განწყობილებას ე. ი ახდენს ერთ რომელსამე ენათა ჯგუფის ან ოჯახის შემადგენელ ენების გენეალოგიურ კლასიფიკაციას. სხვა და სხვა ენათა ოჯახების გენეალოგიურ კლასიფიკაციას შემდეგ ლექციაში შევუდგებით.

ლექცია მესამე.

„წინაპარი ენა“. შედარებითი ენათმეცნიერების მეთოდები: რომანულ ენათა წინაპარი ენა. ინდოევროპული პრე-ენა. ენათა „ოჯახი“, სხვადასხვა ოჯახები. გენეალოგიური კლასიფიკაცია: სუმერული, სემური, ქამური, ინდოევროპული (ინდოევროპულის შემადგენლობა: ინდური, ირანელი, სომხური, აღბანური, ლათინური, კელტური, გერმანული და ბალტური ენათა ჯგუფები), ურალო-ალტაური ჩინური, იაპონური, დრავიდული, ბუშმენური, პოცენტოტური, ბანტუ, მალაო-პოლინეზიური. ავსტრალიის და პაპუა ენები; მცირე ნაშთთა ენები. ანთროპოლოგია და ლინგვისტიკა. პრე-ენათა ნათესაობის საკითხი.

როდესაც ჩვენ ორს ან რამდენსამე ენას ერთი მეორეს ვადარებთ და მათ ნათესაობას ვცნობთ მათთვის სურთო ფონეტიურ ან მორფოლოგიურ მოვლენათა მიხედვით, შემდეგ საკითხად ვსვამთ მათი წინაპარი ენის აღდგენას, ე. ი

*) ევოლიუცია შესაძლებელია სწრაფიც იყოს და ნელიც პირობების მიხედვით.



იმ ენის, რომლისაგანაც ერთი მეორეში მონათესავე ენები წარმოიშვნენ. მაგალითისათვის ავიღოთ რომანული ენები: როცა ჩვენ ერთი მეორეს ვდარებთ ფრანგულს, ისპანურს, იტალიურს და სხვა რომანულ ენებს, ჩვენთვის ცხადია, რომ მათ ერთი წინაპარი ენა (языкъ) უნდა ყოლოდათ. თუ ჩვენ შევადარებთ იტალიურ pera-ს (ე=ვიწრო e-ს, რომელიც i-ს უახლოვდება), ისპანურ pera-ს, ძველ ფრანგულ peire-ს და ახალ ფრანგულ poire-ს და მხედველობაში ვიქონიებთ, რომ ყველა მათი მნიშვნელობა „მსხალი“-ა, ჩვენ ადვილად მივხვდებით, რომ ხსენებულ ხალხებს სხვადასხვანაირად „გადაუკეთებიათ“ რომელიღაც ერთი სიტყვა, რომელსაც ვუწოდებთ წინაპარ სიტყვას; ე. ი. pera, pera, peire და poire არის ერთი რომელიღაც უცნობი ძველი სიტყვის სხვა და სხვა ფორმა: ამ უცნობი სიტყვის აღდგენა არის რომანული შედარებითი ენათმეცნიერების მიზანი; მეცნიერება აღწევს ამ მიზანს და თითქმის შეურყევლის მათემატიკურის სისწორით პოულობს ამ წინაპარ სიტყვას*). ეს სიტყვა უნდა ყოფილიყო pira (ვარსკვლავით აღინიშნება შედარების მეთოდებით აღდგენილი სიტყვა ან მისი ფორმა). ამ ძველმა pira-მ მიიღო ხსენებულ ენებში სხვა და სხვა ფორმა, მაშასადამე pira ყოფილა ის წინაპარი სიტყვა. შემდეგი საკითხია: გვაქვს თუ არა ნაშთები ისეთი ენისაგან, რომელშიც იხმარებოდა pira „მსხლის“ მნიშვნელობით? თუ მოინახა ასეთი ენა, ხომ კარგი: ეს იქნება მეცნიერული კვლევის უმაღლესი გამართლება; და თუ არა, მეცნიერება მაინც არ იყრის იარაღს და განაგრძობს ძიებას. დარწმუნებული თავის მეთოდების ჭეშმარიტებაში. რომ მეცნიერება არ სცდება; ამის შესანიშნავი დამამტკიცებელია ის ფაქტი, რომ სიტყვა pira (მსხალი) დადასტურებულია ძველ ხალხურ ლათინურში; და არა მხოლოდ ეს სიტყვა, არამედ თითქმის მთელი შემადგენლობა რომანული ენებისა. აქედან დასკვნა ცხადია: რომანულ ენათა წინაპარი ენა — ხალხური ლათინური ყოფილა (ეს სიტყვა გვხვდება აგრედვე ძველ ლიტერატურულ ლათინურში pirum-ის ფორმით; მაშასადამე რომანულ ენებს პირდაპირი კავშირი აქვს არა ლიტერ. ლათინურთან, არამედ ხალხურ ლათინურთან)

სამწუხაროდ, მრავალ ენათა ნაშთი დაკარგულია ან სამუდამოდ დაღუპული; მათ შთამომავალთაგან-კი ზოგიერთი სცოცხლობს დღემდე. მაგალითისათვის წარმოვიდგინოთ, თითქოს ხალხური ლათინურის ნაშთი არ დაგვრჩენოდეს, მისი შთამომავალი რომანული ენები-კი მართლაც დღემდე ცოცხალნი არიან.

გავაფართოვოთ შედარების მაშტაბი და შევადაროთ ერთი მეორეს ძველი ინდური, ბერძნული, ალბანური, ლათინური, ლიტუაური, სომხური ძველი ირული (ირლანდური), ძველი ზემოგერმანული და ძველი სლავური. მეცნიერებაში საყოველთაოდ მიღებულია ყველა ამ ენათა ნათესაობა. მათი ნათესაობის საბუთები ისეთივეა, როგორც რომანულ ენებში, ე. ი. ხსენებულ ძველ ენებს, რომელთა ნაშთი მრავლად მოგვეპოება, აქვს ბევრი რამ საერთო: ურიცხვი სიტ-


*) თუ რა ფონეტიური კანონებით ხელმძღვანელობს მეცნიერება ამ შემთხვევაში, ამას თავის დროზე გავიგებთ.



ყვები, მრავალი ფორმა და სხვა. ავიღოთ ერთი რამ სიტყვა. ძვ. ინდ. *mâtâ* ბერძნ. (*mêtêr*) ალბან. *motrz*, ლათინ. *mâter*, ძვ. ირ. *mâthir*, *ჭხ. ჰე. ვარძ.* *muoter*, ლიტვ. *motê*, სომხური *mair*, ძვ. სლ. *mati*. თითქმის ყველა ენა სიტყვების მნიშვნელობა ერთია: „დედა“ და გარეგნულადაც დიდი მსგავსებაა მათ შორის. ცხადია, რომ ისინი წარმოადგენენ ერთი და იმავე სიტყვის სხვადასხვა ფორმას; ამიტომ იბადება საკითხი: რა სიტყვისაგან განვითარდა ეს სიტყვები ან როგორი იყო ის წინაპარი სიტყვა, რომლისაგანაც ისინი წარმოიშვენი? უფრო ფართოდ რომ დავსვათ საკითხი, რა ენა იყო ის წინაპარი ენა, რომლისაგანაც განვითარდნენ ხსენებული ენები? მეცნიერება უპასუხებს ამ კითხვაზე იმავე შედარებითი მეთოდებით, როგორითაც მან უტყუარად უპასუხა რომანული ენების საკითხში (იხ. ზემოთ): ის ადარებს მოყვანილ სიტყვებს ერთმანეთს ფონეტიური კანონების მიხედვით და ასკენის, რომ ის სიტყვა იყო *mâté(r)* რადგან ხსენებულ ენებს საერთო სახელად უწოდებენ „ინდო-ევროპულ ენებს“ ამიტომ მათ წინაპარ ენას, რომელშიდაც სიტყვა *mâté(r)* იყო, შეგვიძლია ვუწოდოთ „ინდო-ევროპული წინაპარი ენა“ ანუ „ინდ.-ევრ. პრე-ენა“. ამ ენის ნაშთები ჩვენ არ გვაქვს; ამიტომ რომანულ ენათა მკვლევარი უკეთეს მდგომარეობაშია, ვიდრე ამ ფართე მაშტაბით მკვლევარი, რადგან პირველმა თავისი ჰიპოტეტური *pira*-სათვის დასტური მიიღო ძველი ხალხური ლათინურისაგან, რომლის ნაშთები შემთხვევით შენახულია, მეორემ-კი თავისი ჰიპოტეტური *matè(r)*. ისათვის ასეთი ვერ იპოვა, რადგან „ინდ.-ევროპ. პრე-ენის“ ნაშთი არა გვაქვს მაგრამ მეცნიერებას ეს გარემოება (ნაშთის უქონლობა) ოდნავაც არ აფრთხობს: დარწმუნებული თავისი მეთოდების სიმტკიცეში, ის განაგრძობს პრე-ენის აღდგენას ჰიპოტეტურად; და მართლაც, თითქმის მთელი ინდოევრ. პრეენის შემადგენლობა ჩვენ თვალწინ არის გაშლილი. თუ რომელი ხალხი, სად და როდის ლაპარაკობდა ამ ენაზე, განვიხილავთ თავის დროზე; აქ კი შეგვიძლია ვთქვათ შემდეგი: რადგან სანსკრ., ბერძნ., ლათ., სომხ., ლიტ. და რამდენიმე სხვა ენა იმდენათ მონათესავე არიან ერთი მეორეში, რომ მათი საერთო ენის აღდგენაც შესაძლებელია, ცხადია ჩვენ გვაქვს უფლება ამ ენათა ერთიანობას განსაზღვრული საერთო სახელი ვუწოდოთ, ეს საერთო სახელია **ინდო-ევროპულ ენათა ერთი ოჯახი***)

როგორც ხედავთ, მე აქ არ მიხსენებია არც უგრო-ფინური ენები, არც არაბული და ებრაული და არც ქართული და სხვა. ეს იმიტომ, რომ ინდოევროპულ ენათა ოჯახს ისინი არ ენათესავენებიან; ისინი სულ სხვა ოჯახთა წარმომადგენელნი არიან. მაშასადამე ინდოევროპულ ოჯახს გარდა მეცნიერებამ იცის ბევრი სხვა ოჯახი: მაგ., ურალო-ალტაური, ქამური, სემური, ქართული და სხვა ენათა ოჯახები. იმავე შედარებითი მეთოდების საშუალებით მეცნიერება აღადგენს თითოეულ ამ ოჯახის პრე-ენას ანუ წინაპარ ენას (**прямых**): ურალო-

*) ზოგი მეცნიერი უწოდებს მას ინდო-გერმანულ ენათა ოჯახს ან ჯგუფს, მაგრამ ეს სახელი ნაკლებ მეცნიერულია, ვიდრე პირველი.



ალტაურ პრე-ენას, ქამურ პრე-ენას, სემურ პრეენას, ქართულ პრეენას და სხვ*.

მეცნიერება იკვლევს ისტორიულად რომელიმე ენას, მაგ. „არაბულს“ ან „ებრაულს“ და არკვევს თუ რამდენად დაშორდა ის თავის პრეენას „არაბულს“ ან „ებრაულს“ ში სემურ პრეენას, თავის ოჯახს; ან და რომელი უფრო დაშორდა სემურ ოჯახს; ან და არაბული თუ ებრაული, ე. ი. უბრალოდ რომ ვთქვათ: თუმც არაბულს და ებრაულს წინაპარი ერთი ყავდათ (სემური პრეენა), მაგრამ ჩვენი მიზანია გამოვარკვიოთ, თუ რა ნათესავეური განწყობილებაა ებრაულსა და არაბულს შორის: არიან ისინი ერთი მეორისმკვიდრი ძმები თუ, ვთქვათ, ბიძაშვილები ან უფრო შორებლები. ერთი ოჯახისშემადგენელ ენათა ნათესავეური საფეხურების მიხედვით დანაწილებას ეწოდება გენეალოგიური კლასიფიკაცია ენათა.

მაშასადამე ამ კლასიფიკაციას მოვახდენთ შემდეგნაირად: დავასახელებთ ენათა სხვადასხვა ოჯახებს, აღვნიშნავთ თითოეული ოჯახის შემადგენელ ენებს და გავარკვევთ შეძლებისდაგვარად თითოეულ ოჯახის ფარგლებში მომწყველელ ენათა ნათესავეურ დამოკიდებულობას.

ღეღამიწის ზურგზე მრავლი ენა არსებობდა და არსებობს. მეცნიერებამ ჯერჯერობით ვერ შესძლო ყველა ამ ენათა ოჯახებათ დაყოფა. ესე იგი, მეცნიერება იცნობს რომელიმე ენას, მაგრამ რომელ ენათა ოჯახს მიაკუთვნოს ის, არ იცის. მაგრამ შედარებითი ენათმეცნიერების წარმატება იმის თავდებია, რომ ის მომავალში მიაღწევს თავის მიზანს.

ქრონოლოგიურად ყველაზე უძველესი ნაშთი გვაქვს სუმერულ ენისაგან, რომლის კილოთ ითვლება აკადური.

სუმერული ენის ნაშთები შენახულია ლურსმულ წარწერებში, მრავალი წარწერა უკვე ევროპაშია გადატანილი და ინახება პარიზის, ბერლინის და ლონდონის მუზეუმებში. წარწერების შინაარსი მრავალგვარია: რელიგიური ჰიმნები, შელოცვები, მეფეთა სახელები და სხვა. ისტორიას ამაზე უძველესი ძეგლები არ გააჩნია. სუმერიელები გენეტიურად არ ენათესავებოდნენ არც სემიტელებს და არც ინდოევროპიელებს. სუმერ-აკადური ენა გავრცელებული იყო მესოპოტამიაში: სუმერული სამხრეთით, ევრატის ველებში და აკადური ჩრდილოეთით**). სუმერიელებმა ჩაუყარეს საფუძველი ბაბილონის კულტურას, რომელიც აყვავდა გაცილებით უფრო ადრე, ვიდრე მეორმოცე საუკუნეში ქრისტემდის. შემდეგ სუმერიელები შეერივნენ მოსულ სემიტელებს და გადმოიღეს მათი ენა და კულტურა, რომელიც თანდათანობით გავრცელდა ჯერ ფინიკიაში, შემდეგ საბერძნეთში და იტალიაში და ბოლოს სხვა ინდოევროპულ ქვეყნებში. საფიქრებელია, რომ ბალკანეთის და აპენინის ნახევარ კუნძულებზე ბაბილონუ-

*) „სემური“, „ქამური“ და აგრძევე „იაფეტური“ ძველი ლეგენდარული ტერმინებია. ისინი ვერ გამოხატავენ არსებითად «ინდოევროპულ»-ის ან „ურალთ-ალტაური“-ს თანაბარ ცნებას. ამიტომ მათ აქვს მნიშვნელობა მხოლოდ შეთანხმების ძალით.

***) ენათა გეოგრაფიული მდებარეობის გასათვალისწინებლად საჭიროა რუკა მუდამ ხელთ გქონდესთ მათი აღწერის დროს.



რო კულტურა გადავიდა უფრო ადრე, ვიდრე ამ ნახ.-კუნძულებს ბერძნები და ლათინები დაიკავებდნენ. ამას მოწმობს მიკენის კულტურა საბერძნეთში და ეტრუსკთა რ ტალიაში.

აზიასა და აფრიკაში ჩვენ ვხედავთ ენათა მეორე დიდ ოჯახს, ე. წ. ხე-მურს. ამ ოჯახიდან მრავალი ენა უკვე აღარ არსებობს, მაგრამ მათი ნაშთები კი საკმაოდ დაგვრჩა. სემური ხალხები მეცნიერთა აზრით გამოვიდნენ არაბეთიდან სხვა და სხვა დროს რამდენიმე წყებად და დასახლდნენ წინა აზიასა და მესოპოტამიაში, სადაც მათ დახვდათ სუმერიელთა მაღალი კულტურა. არაბეთიდან გამოსულ სემიტელთა პირველი წყება იყო ის ტომი, რომელსაც მესოპოტამიაში დასახლების შემდგომ ისტორიაში ასურელებს უწოდებენ. მათი ენა (ასურულ-ბაბილონური) შენახულია ლურსმულ წარწერებში ბაბილონსა და ნინევიასში მეორმოცე საუკუნიდან ქრისტემდე. მეორე წყებად გამოვიდა არაბეთიდან ქანაანის ტომი, რომლის ენათა შორის ცნობილია ძველი ებრაული და ფინიკური. ებრაულის უძველესი ნაშთი—დებორის ჰიმნი—ეკუთვნის მეათე საუკუნეს ქრისტემდე. ფინიკური ენის წარწერები—თითქმის ასეთისავე სიძველის—შეგვხვდება ბერძნულ და ლათინურ წყაროებში (მაგ., პლაგატის ერთ კომედიასში). მესამე წყების არამიელთა ენა (სირიულისა და ხალდურის კილოთი), გავრცელდა სირიაში, ასურეთში და ბაბილონეთში.

აღმოსავლეთ-არამიულმა ენამ დიდი გავლენა მოახდინა სასინილთა დროის სპარსეთის ენაზე. ამ ენის (აღმ.-არამ.) ნაშთები ცოცხალ ხმარებაშია დღემდე აისორთა ენაში. არამიულის უძველესი ნაშთია ძველი აღთქმის ზოგიერთი ნაწილი (დასავლეთ არამიულის). მეოთხე წყებად გამოვიდნენ არაბეთიდან არაბები, რომელთა ენას ყოფენ ჩრდილო და სამხრეთ ჯგუფად; სამხრეთ არაბულს ახლო ენათესავება ეთიოპური ანუ აბაშეთის სემური კილოკაგები. ჩრდილო არაბულ ენაზეა დაწერილი ყურანი. არაბულმა მრავალი თავისი სიტყვა შეიტანა იმ ხალხთა ენებში, რომელთაც მაჰმადიანობა მიიღეს (სპარსულში, ოსმალურში და სხვ.) არაბული ენის კილო გავრცელებულია აგრედვე კუნძულ მალტაზე.

ენათა მესამე ოჯახი—ქამური—შეიცავს ძველ ეგვიპტურს, ეგვიპტურისაგან განვითარებულს კოპტურს, ლიბიურს და კუშიტთა ენას (აბაშეთის ქამურ კილოებს ასეთ სახელს უწოდებენ). ძველი ეგვიპტურის ნაშთები ქრისტემდე მეორმოცე საუკუნიდან იწყება.

კოპტურ ენაზე (ბერძნული ალფაბეტით) შენახულია საქრისტიანო მწერლობა პირველი საუკუნიდან. აბაშეთში გავრცელებულია ქამური დიალექტები სემურთან ერთად (იხ. ზემ. არაბული).

მეოთხე ოჯახს შეადგენს ინდოევროპული ენები, რომელთაგან ზოგმა მრავალი ნაშთი დაგვიტოვა და დღემდისაც ცოცხალმა მოაღწია, ზოგისაგან-კი ძალიან მცირე ნაშთები გვაქვს. ყველა დღეს ხმარებული და მათი ძველი ინდოევროპ. ენები ათ მთავარ ჯგუფად განიყოფება: 1) ინდურ, 2) ირანულ, 3) სომხურ, 4) ალბანურ, 5) ბერძნულ, 6. იტალიურ, 7. კელტურ, 8. გერმანულ, 9. ბალტურ და 10. სლავურ ჯგუფებად. თითოეული მათგანი დიალექტებად დაიყო,

რომელნიც შემდგომ ენებად განვითარდნენ. 1. ძველი ინდური ენის წარმოადგენლად ითვლება მისი ორი დიალექტი: ვედური და სანსკრიტული. ვედურ დიალექტზედაა დაწერილი უძველესი ინდო-ევროპული ტექსტები, ევროპულ-დებული ვედა (veda ნიშნავს „ცოდნას“), რიცხვით ოთხი; მათში ყველაზე უფრო ძველი და აგრეთვე შესანიშნავი არის რიგვედა. ეს რელიგიური ხასიათის ჰიმნები შეთხზულია რამდენიმე ათი საუკუნის წინედ ქრისტემდით. თუ ვედის ენას უფრო ხალხური ხასიათი აქვს, ინდურის მეორე დიალექტი—სანსკრიტი უკვე უაღრესად შემუშავებული და განსაზღვრულ ნორმებს დამორჩილებული ენაა: ის არის ზელოვნური ლიტერატურული ენა, დაკანონებული გამოჩენილი გრამატიკოსის პანინის მიერ (თვით სიტყვა sanskrita ნიშნავს «ზელოვნურს, დაშუშავებულს, დაწმენდილს».. ამ ენაზე არსებობს იშვიათის სიმდიდრის მწერლობა; მათში შესანიშნავია ორი დიდი ეპოსი: რამაიანა და მაჰაბარატა; ცნობილია ევროპაში არაკთა კრებული „პანჩატანტრა“ და მრავალი სხვა.


ფილოსოფიური და დრამატიული თხზულებანი სანსკრიტთან ერთად პარალელათ არსებობდა ხალხური ინდური. ე. წ. პრაკრიტი; ერთ პრაკრიტულ დიალექტზე, სახელდობრ პაღი-ს დიალექტზე შეთხზულია ბუდდიანობის რელიგიური ლიტერატურა. პრაკრიტული დიალექტებიდან განვითარდა თანამედროვე ინდური ლიტერატურული ენები: ბენგალი, ჰინდი, სინდჰი, ურიაჰა, პენჯაბი და სხვა.

ბოშთა (ციგანთა) ენაც ახალი ინდური ენაა. ბოშებმა დასტოვეს ინდოეთი ერთეულ საუკ. ქ. შ. 2) ძველი ირანულის ორ დიალექტს წარმოადგენს ძველი სპარსული (ანემენიდთა დინასტიის ლურსმული წარწერების ენა) და ავესტი ენა, ზოროასტრის რელიგიის მიმდევართა საღვთო ტექსტების კრებულს ეწოდება ავესტა.

უძველესი წარწერა ძველ სპირსულ ენაზე ეკუთვნის მეექვსე საუკ. ქრისტემდით. ავესტის უძველესი ნაწილები შეთხზულია მე-7 ს. ქ. წ.. ზოგი უფრო გვიან. ავესტა ითარგმნა საშუალო ირანულ ანაზე (ანუ ფალაურ ენაზე) სასანიდთა დროს; ამ ფალაურ თარგმანს მისი კომენტარიებით ეწოდება ზენდი; ამიტომ ხშირად (უშართებულოდ) ზენდი იხმარება ავესტის მაგივრად. ახალ ირანულ ენებად ითვლება: ახალი სპარსული, რომელზედაც მდიდარი ლიტერატურა არსებობს, ქურთული, ოსური, ავგანური, ბალუჩი და პამირის დიალექტები. 3. ძველი სომხურის ნაშთები გვაქვს მეხუთე საუკ. ქ. შ., ძველიც და განსაკუთრებით, თანამედროვე სომხური იმდენად აკრეფებულია მეზობელ ერთგან (განსაკუთრებით ირანელთაგან) ნასესხები სიტყვებით, რომ დიდხანს სომხურს ირანულ ენად სთვლიდნენ. 4. ალბანური ენის ნაშთებს ვიცნობთ მხოლოდ მე-XVII ს. ქ. შ. თანამედროვე ალბანურში ცნობილია ორი მთავარი დიალექტი: ტოსკური (სკუტარში, იპეკში და დურაცოში) და გეგური (ბერატში და იანინაში). რამდენია ნასესხები ელემენტები ალბანურში სხვადასხვა ენებიდან (რომანულიდან, სლავურიდან, ოსმალურიდან და ახალ ბერძნულიდან), ცხადი იქნება, თუ ვიტყვი, რომ ალბანური სიტყვები ალბანურში ერთ შეათედს არ



აღმავლება. 5) ძველი ბერძნულის მთავარი დიალექტებია: დორიული, ეოლიური და იონიკო-ატიური. იშვიათია ენაში ისეთი სიმრავლე კილოკავებისა, როგორც ეს იყო ძველ საბერძნეთში. კილოკავები შენახულია ძველ წარწერებში: აქ არის დაცული ძველი ბერძნული ბუნებრივი ენა და ამიტომ მეცნიერებისათვის ამ წარწერებს განსაკუთრებული მნიშვნელობა აქვს. ჰომეროსის ეპოსის ენა ძველი იონიურია; აქა-იქ ეოლიურის გავლენა ატყვია. მეხუთე საუკუნიდან ქ. წ. ატიურმა თანდათან გამოაძევა ხმარებიდან კილოები და ამგვარად ატიური შეიქნა საერთო ლიტერატურული ენა. (ბერძნულად koiné dialektos). ბერძნულის შემდეგ საფეხურს (მე-XVI საუკუნემდე) ეწოდება ბიზანტიური ანუ საშვალო ბერძნული; შემდეგ კი დღემდე ახალი ბერძნული. 6) იტალიურ ანუ რომანულ ენათა ჯგუფს შეადგენს: ძველი ლათინური (ხალხური თან ერთად), უმბრული და ოსკური. ლათ. ენა ცნობილია მე-III ს. ქ. წ. წარწერებით და შემდეგ დიდი ლიტერატურით; უმბრულსა და ოსკურს ვიცნობთ მხოლოდ წარწერებით; ხალხური ლათინურისაგან განვითარდნენ შემდეგი თანამედროვე ცოცხალი ენები: იტალიური, პროვანსალური, რომელზედაც დაწერილია ტრუბადურთა შესანიშნავი პოეზია, ფრანგული (მიღებულია აგრედვე ბელგიაში, ისპანური, რომელიც ძალიან გავრცელებულია ამერიკაში, პორტუგალური და რუმინული. 7) კელტური ენები უფრო გავრცელებული იყვნენ ძველად ვიდრე ენა. მათგან ცნობილია დღეს ირული ირლანდიაში, გელური შოტლანდიაში, კიმრული ველში (ინგლისში) და ბრეტონული ბრეტანის ნახ. კუნძულზე საფრანგეთში). კელტურის ნაშთები შენახულია მე-XIII—IV ს. ქ. შემდეგ. გალური და კორნული დიალექტები აღარ არსებობენ. კელტები შეერივნ ინგლისელებს და ფრანგებს და ბევრი მათგანი თავის ენაზე აღარ ღაპარაკობს. 8) გერმანული ჯგუფი შესდგება სამი ტოტისაგან: გუთურისა, ჩრდილო-გერმ. და დასავლ. გერმანულისაგან. გუთურის უმთავრესი ძველია ეპისკოპოზ ვულფლას მიერ საღვთო წერილის თარგმანი მეოთხე საუკ.; ჩრდილო-გერმანულზე დაწერილია ცნობილი ედა (ორი), რომელიც წარმოადგენს მითოლოგიურ მოთხრობათა კრებულს. ამ ტოტის გაგრძელებაა დღეს ისლანდური, ნორვეგული, დანიური და შვედური. სამხრეთ-გერმანულს შეადგენს ზემო-გერმანული და ქვემო-გერმანული (ამ ორ ტერმინში „გერმანულ“-ს ვხმარობ ვიწრო მნიშვნელობით, რომელიც უძრის რუსულ „нѣмецкій“-ს). ძველი ზემო-გერმანულისაგან განვითარდა ახალი ლიტერატ. გერმანული; ქვემო-გერმანულს ეკუთვნის გერმანიის საზღვრებს გარედ ინგლისური და ჰოლანდიური. 9) ბალტიური ჯგუფი ეწოდება ლიტავურს, ძველ-პრუსულს და ლატვიურს, ძველ პრუსულ ენაზე დაგვრჩა მცირე ნაშთი მე-XVI ს. ქ. შ. მე-XVII ს. შემდეგ ამ ენაზე აღარავინ ღაპარაკობდა. ლიტავური ენა დღესაც ცოცხალია და შეიცავს მრავალ არქაულ ფორმას, რითაც ის ძვირფასი მასალაა მეცნიერებისათვის. ლიტავური და ლატვიურის ნაშთები მე-XVI ს. ძველი არა გვაქვს. 10) სლავური ჯგუფი განიყოფება სამ ტოტად: სამხრეთ-აღმოსავლეთ და დასავლეთ ტოტებად. პირველის წარმომადგენლად ითვლება ძველი-სლავური (წმ. კირილეს და მეთოდეს თარგმანის ენა მე-IX ს.), სერბული, ბულგარული და სლოვენური. აღმოს. ტოტია თავისი სამი დილექტით: ველიკორუს., ბელორუს. და უკრაინულით ანუ რუთენულით, როგორც გერმანიაში უწოდებენ. და-



სავლ. ტოტი შეიცავს: ჩეხურს, სლოვაკურს, სორბულს (ანუ ლაუზიცურს), პოლონურს, კაშუბურს და უკვე მოსაზობილ პოლანდურს...

განვიხილოთ მეოთხე ოჯახის (ინდოევროპულ ენათა) ათი თითოეული ჯგუფი საქმოდ დაშორებულა ერთი მეორისაგან, მაგრამ ზოგს მათგანს იმდენი რამ საერთო აქვს, რომ მეცნიერებაში არსებობს მაგ. ასეთი ტერმინები: ინდო-ირანული ჯგუფი, ან იტალო-კელტური ან და ბალტო-სლავური; მაშასადამე უნდა არსებულებოდა ინდოირანული პრე-ენა, იტალო კელტური და ბალტო-სლავური. დაწვრილებით ამ საგანს თავის დროზე ვავეცნობით-

ურალო-ალტაურ ანუ ტურანულ ენათა ოჯახი შესდგება ხუთი ჯგუფისაგან: 1) თურქო-თათრულისა 2) უგრო-ფინურისა, 3) მონგოლურისა, 4) ტუნგუზურისა (ანუ მანჯურულისა) და 5) სამოედურისაგან. ამ ოჯახს უჭირავს უზარმაზარი ტერიტორია—მთელი ჩრდილო აზია და აღმოსავლეთ ევროპის დიდი ნაწილი. მათ შორის არ არის ისეთი მჭიდრო ნათესაური კავშირი, როგორც ინდოევროპული ოჯახის ჯგუფთა შორის.

1) თურქო-თათრული ჯგუფი შეიძლება ენებს: იაკუტურს, ბაშკირულს, ყირგიზულს, თათრულს (ყირიმის, ყაზანის და ადერბეიჯანის), სართულს ოსმალურს და რამდენიმე სხვას; 2) უგრო-ფინური: სუომურს (ფინლიანდიის ენას ასეთი სახელი აქვს), ესტონურს, ქარელურს, ლაპლანდურს, ვენგრულს (ანუ მადიარულს), ოსტიაკურს, ზირიანულს, ჩერემისულს და მორდოვეულს; 3) მონგოლური ჯგუფი განიცავდა აღმოს. მონგოლურ და დასავლ. მონგოლურად: პირველია ბურიატული, მეორე კალმიკური ენა; 4) ტუნგუზური ჯგუფი, რომელსაც შეადგენს მანჯურული, საკუთრად ტუნგუზური ენა და რამდენიმე სხვა, ნაკლებადაა შესწავლული; 5) სამოედურზედაც იგივე ითქმის.

აზიის სხვა ენათა შორის დავასახელებთ ჩინურს, რომელზედაც მდიდარი მწერლობა არსებობს მეოცე საუკუნიდან ქრისტეს წინ, ენის სტრუქტურის მიხედვით მას უკავშირებენ ანამურს, სიამურს, ბირმანულს და ტიბეტურს, თუმცა გენეტიური ნათესაობა მათ შორის ჯერჯერობით გამორკვეული არ არის

იაპონური ენა გენალოგიურ კლასიფიკაციაში განცალკავებით სდგას; იგივე ითქმის აზიის ჩრდილო-აღმოსავლეთის ენებზე: აუკავირთა, კორეაკთა, ჩუქთა და კამჩადალთა ენებზე. სტრუქტურის მხრივ იაპონურს წააგავს ინდოსტანის **დრავიდული** ენები.

კავკასიის ენათა შორის განცალკევებით სდგას **ქართულ ენათა ჯგუფი**. **სამხრეთ აფრიკა უჭირავს** კაფრთა ენებს, რომელნიც შეადგენდნენ ბანტუს-ოჯახს. იქაურივე ბუშმენების და ჰოტენტოტების ენები არც ბანტუს ენათესავეებიან გენეტიურად და არც ერთი მეორეს.

მალაო-პოლინეზიურ ენათა ოჯ ხი ვამზილია დიდი ოკეანეს სივრცეზედ: მალაურად ლაპარაკობენ კუნძულ მალაკაზე და ფილიპეს და ლანდონის კუნძულებზე; მელანეზიურად ვიჯიზე და სხვა მახლობელ კუნძულებზე; პოლინეზიურად ახალ ზელანდიაში, მადაგასკარზე და პოლინეზიაში.

ავსტრალიის ენათა შორის ცნობილია მეცნიერებაში მხოლოდ სამხრეთ ნაწილის ენები; მათ ენათესავება ენა პაპუა (ტომის სახელია).



ამერიკის მრავალ ენათა შორის ნათესავობა გამორკვეული არ არის.

დასასრულ აღვნიშნავ აქვე, რომ უძველეს დროიდან დაგვიჩვენებდა ენათა მცირე ნაშთები, რომელნიც მეცნიერებისათვის დღემდე ამოკანასკნელი დგენენ. ასეთია აზიაში, ხეთური და ვანური წარწერების ენა და ეგვიპტის ეტრუსკთან (იტალიაში) და ბასკთა (პირინეის მთებში) ენა.

უნდა გვახსოვდეს, რომ განსაზღვრული ენა არ ახასიათებს რომელიმე რასას, ე. ი. ენათა კლასიფიკაცია არ გულისხმობს ანთროპოლოგიურს და არ უთანასწორებს მას. ანთროპოლოგია ყოფს კაცობრიობას რასებად და ტომებად სომატიურის სხეულის აგებულობის) თვალსაზრისით; ენა კი, როგორც კულტურის ძლიერი იარაღი, გადადის ერთი ხალხიდან მეორესთან იმისდა მიუხედავად — ენათესავებიან ისინი ერთი მეორეს ანთროპოლოგიურად თუ არა: ეტრუსკებმა დაკარგეს თავისი ენა და შეითვისეს ლათინური, თუმცა ისინი სულ სხვა რასას ეკუთვნოდნენ ანთროპოლოგიურად; რუსეთის საზღვრებში ფინები სულ სხვა რასას წარმოადგენდნენ, მაგრამ ენით და კულტურით იმათ გარუსებას ამან წიხა აღმდეგობა ვერ გაუწია.

ათი და ასიათასი წლის განმავლობაში სხვადასხვა რასის ხალხები ერთი მეორეს ხედებოდნენ და ენას იცვლიდნენ, ერთი და იმავე რასის სხვა და სხვა ნაწილს შეეძლო სრულიად სხვა წარმოშობის ენაზე ელაპარაკნათ. აგრედვე შეეძლო რასას რამდენჯერმე გამოეცვალა ენა იმისდა მიხედვით, თუ ვინ ყავდა მეზობლად, დამპყრობელი იყო ის თუ დამონებული და სხვა.

ჩვენ დავახსენებთ ენათა რამდენიმე ოჯახს. როგორც უკვე ვთქვით თითოეულ ოჯახს უნდა ყრლიდა წინაპარი — ანუ პრე-ენა. მეცნიერებაში ამ ბოლო დროს დაისვა შემდეგი საკითხი: შეიძლება თუ არა მოიძებნოს საერთო რამ გენეტიური ორს რომელსავე ოჯახ შორის (ანუ მათ პრე-ენათა შორის) მაგ. სემურსა და ინდო-ევროპულს შორის, ქამურსა და სემურს შორის და სხვა? დღემდე თითქმის გადაჭრილად ცნობილია სემურისა და ქამურის ნათესაობა; ზოგი მეცნიერი დადებითად უპასუხებს სემურისა და ინდო-ევროპულის ნათესაობის საკითხზე.


აქ ისახება ყველა ენათა ნათესაობის ფართე პერსპექტივა. შესაძლებელია რა? დენიმე ოჯახის ნათესაობა დამტკიცდეს, მაგრამ საყოველთაო ნათესაობას იჭვის თვალთ უნდა შევხედოთ ჯერჯერობით: მეცნიერებს იზიდავს ყველა ენათა ერთი ენისაგან წარმოშობის შესაძლებლობა, რომელსაც შემდეგ ლექციაში განვიხილავთ ენათა მორფოლოგიურ კლასიფიკაციასთან ერთად.

ლექცია მეოთხე.

„უპირველესი“ ენის საკითხი. უნაშთო ენები. პრე ისტორიული ეპოქა. მეცნიერების დაბრკოლებანი. პირველყოფილი ხალხის ენობრივი განძის სიმცირე. ენათა სხვა და სხვა ადგილს წარმოშობა, დამხმარე სისტემები. ენის ფილოსოფიის საგანი.

ზორფოლოგიური კლასიფიკაცია ენათა. ენის მრავალგვარი მორფოლოგიური სტრუქტურა. ევოლიუციური თეორია ენაში. ძირეული ენები, ავლუტინური ენები, პოლისინტეტური ენები, ფლიქსიური ენები: სემური და ინდო-ევროპული. სემური — ფლექსიურ-ავლუტინურია. მორფოლ. და გენეალოგიური კლასიფიკაცია. მორფოლ. კლასიფ. სისუსტე და მისი მიზეზი, ტენდენციური მოსაზრებანი. ლიტერატურა

ვთქვათ, რომ რაც ენებია დედამიწის ზურგზე, ყველა ერთი ჩვენთვის უცნობი ენისაგან წარმოიშვა. რა გზით შეუძლია მეცნიერებს დაამტკიცოს ეს დებულება?




მას შეუძლია მხოლოდ აღდგენილ პრეენათა (სემური პრე-ენის, ინდ.-ევროპული პრეენის, ქამურის და სხ.) შედარებით იკვლიოს ეს საგნები, თუ ვინ მათ იმდენი რომ საერთო ექნებათ, რომ შედარებაზე ლაპარაკი შესაძლებელი იქნება, ე. ი. მეცნიერებამ აქ იმავე მეთოდს უნდა მიმართოს, რომლის წყალობითაც მან ხსენებული პრეენები აღადგინა. მაგრამ ნუ დავივიწყებთ თქმულიდან, რომ მრავალი ენა სრულიად მოისპო ძველ დროშივე და არავითარი ნაშთი არ დაგვიტოვა; მაგალითად, საბერძნეთის მწერლები ხშირად იხსენიებენ ენებს, რომელთა შესახებ სახელის მეტი არაფერი ვიცით. რადგან ეს ასეა, ჩვენ გვაქვს უფლება ვიფიქროთ, რომ იმ დაღუპულმა ენამ მრავალი საიდუმლოება ჩაიტანა საფლავში და მათ შორის შესაძლოა იმ „უპირველეს“ ენის საიდუმლოც. ამიტომ მეცნიერების შესაძლებელ დასკვნას მომავალში, რომ არსებობდა ერთად ერთი ენა, რომლისაგანაც ყველა სხვა წარმოიშვა, არ ექნება უქვევლი ძალა, რადგან მას არ შეეძლო შედარების საგნად ვახეხადა ყოველი ოდესმე არსებული ენა; მაშასადამე ჯერჯერობით მეცნიერება უნდა კმაყოფილდებოდეს მხოლოდ ცნობილ ენათა შედარებით და მათი პრეენის აღდგენით.

როდესაც ჩვენ რომელიმე პრეენას აღვადგენთ ხოლმე, იქვე ვითვალისწინებთ იმ ეპოქას, როცა ამ პრეენაზე ლაპარაკობდა ესა თუ ის ხალხი; მაგალითად, თუ ვიცით ჩვენ ინდო-ევროპული პრეენა, ვიცით აგრედვე ინდო-ევროპულ პრე-ხალხის ცხოვრების პირობები, და ისიც დაახლოევებით: ვთქვათ, ამდენივე ვიცით სემურ პრე-ხალხის შესახებ; მაგრამ როდესაც ჩვენ პრე-ინდოევროპულ ენას ვადარებთ პრე-სემურსა, ე. ი. ვეძებთ უფრო შორეულ ეპოქას, ვიდრე თითოეული მათგანი, აქ სრულიად უძლიერნი ვართ ეპოქის აღდგენაში, თუნდაც რომ მეცნიერებამ მონახოს სემურისა და ინდო-ევროპ. მრავალი საერთო სიტყვების ძირი. ეს გარემოებაც წინ ელობება „უპირველესი“ ენის აღდგენას, თუ კი ასეთი არსებობდა.

რაც უფრო შორეულ ეპოქაში გადავიტანთ შედარების ასპარეზს, მით ნაკლები სიმტკიცით შეგვეძლება კვლევა არა მხოლოდ იმიტომ, რომ იმ ეპოქის შესახებ ბუნდოვანი წარმოდგენა გვექნება, არამედ შემდეგი მოსაზრებითაც: საქმე ისაა, რომ რაც უფრო პირველყოფილია ენა და მახუდ მოლაპარაკე ხალხი, მით ნაკლებ მდიდარია ენაც; თუ თანამედროვე უსწაელები მუშისათვის ყოველდღიურ ცხოვრებაში საკმარისია ასი, ორასი სიტყვა, ჩვენ ადვილად წარმოვიდგენთ, რომ პირველყოფილი ადამიანი ნაკლებითაც დაკმაყოფილდებოდა, რადგან მისი მოთხოვნები უფრო ვიწროდ იყო შემოფარგლული. ვავისტინოთ, რომ მწერლობით დაუშვარებელი ენა (პირველყოფილი ენები აუცილებლად ზეპირი უნდა ყოფილიყო მხოლოდ) იშვიათის სისწრაფით იცვლება, თავისას კარგავს და სხვა ენის ელემენტები შემოაქვს და სხვა. მაშასადამე, მეცნიერებამ კიდევ რომ შეამციროს ხსენებულ პრეენათა რიცხვი უფრო ძველ პრეენათა აღდგენით და ბოლოს მხოლოდ ორი „პირველყოფილი“ ენა დარჩეს შესადარებლად (რაც ძალიან საეჭვოა), იმ შემთხვევაშიაც საზღვარი შეიძლება დაელოს შედარებაში, რადგან ეს ორი ენა თავის მცირე განძს ან დაკარგავდენ და სხვისას გადამოიღებდენ, ან იმდენათა შესცვლიდნენ, რომ მათი შედარება არავითარ ნაყოფს არ მოუტანდა მეცნიერებას.

მეტი უფლება გვაქვს ვიფიქროთ, რომ დედამიწის ზურგზე სხვა და სხვა ადგილას წარმოიშვა სხვა და სხვა ენები, ე. ი. ერთი კუთხის ადამიანმა შექმნა თავისი ენა სრულიად დამოუკიდებლად მეორე კუთხის ადამიანისაგან. **არსებითად ყოველი ქვეყნის ადამიანი ფსიქიურად და ფიზიკურად იმდენად გავს მეორე ქვეყნის ადამიანს, და აგრედვე მის გარეშე პირობებიც იმდენად ერთნაი-**



რია ყოველ ქვეყანაში, რომ ადამიანს უნდა შეექმნა ბოლოს და ბოლოს ენა. მაგრამ მეორე მხრით, იმდენი განსხვავება მაინც არსებობს სხვა და სხვა ქვეყნის ადამიანთა და ამ ქვეყანათა ბუნებას შორის, რომ სხვადასხვა ნაირი ენა შექმნილიყო.

მართალია მეცნიერებას გაუჭირდება ამ დებულების დამტკიცებაც უკვე ხსენებული მიზეზების გამო, მაგრამ აქ მეტი შესაძლებლობა სჩანს.

ენათმეცნიერება განაგრძობს ძიებას. ის აგროვებს მასალებს ცოცხალ და მკვდარ ენათა შესახებ ეტნოგრაფიის, პრე-ისტორიული არქეოლოგიის და სხვა მეცნიერების სისტემათა წყალობით, და ბოლოს თავისთავად შეიქმნება ცხადი, თუ რომელ შესაძლებლობას მეტი საბუთი ექნება. ეხლა კი ენათმეცნიერების ფილოსოფიის მთავარ საგანს შეადგენს საკითხი, თუ როგორ წარმოიშვა საზოგადოდ ადამიანის ბგერითი ენა.

ამ საკითხს მრავალმხრივ განვიხილავთ შემდეგ ლექციებში. ახლა განვიხილავთ ენათა მორფოლოგიურ კლასიფიკაციას, რომელსაც აქ ვეხები იმიტომ რომ მისი საშვალტებით სურდათ ერთი მხრით მაინც გაეშუქებინათ ენის წარმოშობის (უფრო სწორედ განვითარების) საკითხი

შემჩნეული იყო, რომ სხვა და სხვა ენა თავისებურად გამოხატავს ადამიანის აზრს, ე. ი. არსებობს ენათა მრავალგვარი მორფოლოგიური სტრუქტურა. მიმართეს ბუნებისმეტყველებაში გაძლიერებულს და განმტკიცებულ ევოლუციურ თეორიას და იფიქრეს: თუ არსებობს ენის სხვა და სხვა სტრუქტურა, უნდა არსებობდეს „მაღალი“ და „დაბალი“-ც; ერთი ენა მეტად განვითარებული უნდა იყოს, ვიდრე მეორე. ეგრედ წოდებულ ფლექსიურ ენათა (უმეტესად ინდოევროპული) ჯგუფი დასახეს „მაღალი“ სტრუქტურის მქონედ.

მორფოლოგიური სტრუქტურის მიხედვით წარმოიდგინეს ენის განვითარების სამი საფეხური (მეოთხე გარდამავალი) და ამგვარად მრავალი ენა დაუკავშირეს ერთი მეორეს. მოვახდინოთ კლასიფიკაცია და შემდეგ დაუშვირდეთ მის ღირსება-ანაკლოვანებას.

მორფოლოგიური პრინციპის მიხედვით არსებობს ოთხი ტიპი ენათა, რომელნიც წარმოადგენენ განვითარების ოთხ საფეხურს: 1, ძირეული (ანუ ანალიტიური), 2, აგლუტინური, 3, პოლისინტეტური და 4, ფლექსიური.

ძირეულ ენებში არ არსებობს ფორმალური ელემენტები, არაა ბრუნვა, არაა მიმოხრა. არის მხოლოდ ძირები (უმეტესად ერთმარცვლოვანი), რომელიც არც იბრუნვის და არც მიმოიხერის. აზრი გამოიხატვის და იცვლება იმისდა მიხედვით, თუ რომელი ადგილი უჭირავს წინადადებაში ამა თუ იმ ძირს; მაგ., ქვემდებარე უთუოდ პირველ ადგილას არის; დამატება მუდამ შემასმენელს შემდეგ. ყოველ ბრუნვას თავისი განსაკუთრებული ადგილი აქვს ფრაზაში. არის აგრედვე რამდენიმე მომხმარე ძირი, რომელიც ბრუნვის მაგივრობას სწევს. მოვიყვან საილიუსტრაციოდ მავალითს ჩინური ენიდან, რომელიც ტიპიურ ძირეულ ენად ითვლება*):


კაცი სიყვარული სარგებელი

საკმარისია ამ ძირებს ადგილი გამოვუცვლოთ, რომ სხვაგვარი აზრი გამოიხატოს:

haò li cǐ zìni=მოყვარული სარგებლობისა კაცი.

ის

*) ზოგი მეცნიერი ძირეულ ენად თვლის ინდო-ჩინეთის ენებს: ანამურს, ბირმანულს და სიამურს; აგრედვე ტიბეტურს.



ჩინურ ენაში ხუთასიოდე ძირი თუ იქნება; მაგრამ გარეგნულად ერთსა და იმავე ძირს ბევრნაირი მნიშვნელობა აქვს იმისდა მიხედვით, თუ როგორ იხმარება. ტონაცია ან ხმის ამოღლება აქვს ძირს: მაგ. ძირი *ma* ნიშნავს: დედა, ქალს, ცხენს, კანათს და ლანძღვას; პირველ შემთხვევაში არის *mā* (მაღალი სწორი ტონი), მეორეში *má* (აღმავალი ტონი), მესამეში *mǎ* (დაბალი სწორი ტონი); მეოთხეში *mà* (ჩამავალი ტონი).

აგლუტინური ტიპის ენებს ეკუთვნის ურალო-ალტაური და აგრედვე იაპონური და დრავიდული ენები. მათი მთავარი თვისება უკვე მათ სახელწოდებაშია გამოხატული: *agglutinare* ლათინურია და ნიშნავს „დაწებვას“, „წებვა“-ს; მართლაც ფორმალური ელემენტები (მაგ. სუფიქსები) არ უერთდება სიტყვის ძირითად ნაწილს ისე მჭიდროდ, როგორც ეს ინდოევროპულშია: თითქოს ისინი მიწებებულია ძირთან ხელოვნურად და არა ბუნებრივად თან შეზრდილი. ფორმალურ ელემენტებს დამოუკიდებელი მნიშვნელობა აქვს და ხშირად ცალკეც იხმარება იმავე სახით, რომელიც მას ქონდა სიტყვასთან ერთად. ერთი რომელიმე მნიშვნელობის ნიუანსი გამოიხატვის მუდამ ერთი და იმავე სუფიქსით (მაგ. ადგილის აღნიშვნა გამოიხატვის სუფიქსით—*da* მხოლობითსა და მრავლობით რიცხვში; ინდოევროპულში მეტი სხვადასხვაობაა ამ ჩხრივ). მაგალითს მოვიყვან ოსმალურიდან *oda* „ოთახი“, *oda-da* „ოთახში“ *oda-lar* „ოთახები“ *oda-lar-da* „ოთახებში“. (ამ შემთხვევაში ქართულშიაც აგლუტინაციასა აქვს ადგილი).

აგლუტინურ (ურალო ალტაურ) ენათა მეორე თვისება მდგომარეობს ხმოვანთა ჰარმონიაში, რომელსაც შევიძლია ვუწოდოთ ხმოვანთა ასიმილიაცია: სუფიქსის ხმოვანი იმავე გვარისაა, როგორისაც ძირში; მაგ. იგივე მრავლობითი რიცხვის აღმნიშვნელი *lar* მიიღებს—*lar* ის სახეს, თუ ძირში *e* გვაქვს: *oda-lar* მაგრამ *ev-lar* „სახლები“;—*mek* აღნიშნავს საზოგადოდ განუსაზღვრელ კილოს: *zev-mek* „შეყვარება“, მაგრამ *jaz-mak* „წერა“.

პოლისინტეტურ (მრავალ გამაერთიანებელ) ენებს უწოდებენ აგრედვე განმასახიერებელს. ამ ტიპს უჭირავს შუა ადგილი ძირეულ და აგლუტინურ ენათა შორის: მთელი წინადადება „სახიერდება“ ერთ სიტყვაში, რომელშიც მთავარი ადგილი ზმნას ეკუთვნის; ასეთი აგებულობის ენებს წარმოადგენენ მექსიკური და ჩრდილო-ამერიკის მრავალი ენა.

ფლექსიურ ტიპს წარმოადგენს ინდოევროპული და სემური ენები. უმთავრესი მათი თვისება და აგრედვე განსხვავება აგლუტინურისაგან იმაში მდგომარეობს, რომ ფორმალური ელემენტები უფრო მჭიდროდ და თითქმის განუყრელად დაკავშირებულია ძირითად ელემენტთან, ვიდრე აგლუტინური ტიპის ენებში; მაშასადამე, პრინციპიალური განსხვავება ფლექსიურსა და აგლუტინურ შორის არ არსებობს. ზოგი მეცნიერი სემურ ენებს ფლექსიურ-აგლუტინურსაც კი უწოდებს (ფორტუნატოვი).

სემურში ძირი გვხვდება სამი თანხმოვანის სახით (ძირის სამთან ხმოვანება): *q-t-i* „გველა“, *k-t-b* „გწერ“, *d-b-r* „ელაპარაკობ“ (ინდოევროპულში ძირი მრავალფეროვანია, ხშირად ერთი ხმოვანიცა გამოიხატება). შემდეგ სემურს ახასიათებს **შიწავანი ფლექსია**: ძირის თანხმოვანთა შუა ხმოვანთა ცვლილებას იწვევს აზრის ცვლას; ერთი და იგივე მნიშვნელობის ნიუანსი გამოიხატვის ერთი და იმავე ხმოვანით ყველა ძირში: არაბული *qatala* მან მოკლა“, *kataba* „დასწერა“, *dabara* „ილაპარაკა“ (იხილე ამათი ძირები; თუ იგივე ძირი სხვა ხმოვანებს იხმარს, მაგ. *kutilla* „მივიღებთ“ „ის მოიკლა“ *Kutiba, dubira* და სხვა.



ინდოევროპულ (წმინდა ფლექსიურ) ენათა ჯგუფის დახასიათებას აქ არ შეუვადგები, რადგან ერთი ინდო-ევროპ. ენა (რუსული) ჯერჯერობით ყველა იკით. ვიტყვი მხოლოდ მის შესახებ რამდენიმე სიტყვას.

აღსანიშნავია ინდ.-ევრო. ენებში სამი ელემენტის რიგი. ჯერ ძირითადი (ესა ძლებელია სიტყვაში მხოლოდ ერთი), მერმე სუფიქსი შესაძლებელია რამდენიმე(ი) და შემდეგ დაბოლოება (ისიც ერთი; სხვა თანამიმდევრობა შეუძლებელია: *refor-e* „ორატორები“. სიტყვის მახვილი ისეთივე ფორმალური ელემენტია სიტყვაში (ე. ი. ისე ცვლის აზრს), როგორც რომელიმე დაბოლოება *окна, окна, дома, дома*. საყურადღებოა აგრედვე ეგრედ წოდებული ალტერნაცია (ხმოვანთა ცვლა), რომელიც ოდნავ სემურ შინაგან ფლექსიას მოგვაგონებს: *несешь носить*.

უნდა ვთქვათ, რომ ენათა მორფოლოგიური კლასიფიკაცია სრულიად არ გულისხმობს მათ გენეტიურ ნათესაობს, მაგ. სემური და ინდოევროპული მორფოლოგიურად ფლექსიური ენებია, მაგრამ მათი ნათესაობა მეტად საეჭვოა: ურალო-ალტაური და იაპონური მორფოლოგიურად ავლეტინურია, მაგრამ მათს გენეტიური კავშირი არავის მოსვლია აზრად.

მორფოლოგიური კლასიფიკაციის თეორიით ხსენებული სამი (ან ოთხი) ტიპი წარმოადგენს ენის განვითარების სამ (ან ოთხ) საოცხურს, ე. ი. ჩინური ძირეული ენა სტვას უდაბლეს საფეხურზე; აქედან დასკვნა: ყოველი უდაბლეს საფეხურზე მდგომი ენა ძირეული უნდა იყოს და ძირი ერთმარცვლისაგან უნდა შესდგებოდეს. შემდეგი საფეხურები უნდა ყოფილიყო პოლისინტეტური, ავლუტინური და უმადლესი—ფლექსიური, როცა სიტყვის სხვადასხვა ელემენტები ერთი მეორეს მტკიცედ დაუკავშირდნ.

მაგრამ ეს თეორია სუსტობს არა მხოლოდ იმიტომ, რომ ის (მორფოლ. კლასიფ.) ვერ იტევს მთელი ქვეყნის ენებს, არამედ უმთავრესად იმიტომაც, რომ მის არ ქონდა გათვალისწინებული ერთი მხრით ახალ ფლექსიურ ენათა მიდრეკილება ერთმარცვლოვანობისადმი და მეორე მხრით ძირეულ ენათა (მაგ. ჩინურის) ყოფილი მრავალმარცვლოვანობა:

ჩინურში არის იმის ნიშეიგი, რომ ოდესღაც ის მრავალმარცვლოვანი ძირებისაგან შესდგებოდა; მაშასადამე მისი ძირების ერთმარცვლოვანობა შედეგია მისი მრავალსაუკუნოებით განვითარებისა.

პირიქით, მაგალითად ინგლისურში (ფლექსურ ენაში) სიტყვები მოკლდება და თანდათან ერთმარცვლოვანდება, აგრედვე ისობა ბრუნების დაბოლოება როგორც ინგლისურში, აგრედვე ფრანგულში და გერმანულშიაც კი; ესე იგი ფლექსიური ტიპი უახლოვდება ძირეულს, „უმადლეს“ საფეხურიდან ჩამოდის „უდაბლესზე“. ამკარაა, რომ ტენდენციურმა მოსაზრებამ შესაფერი ნაყოფი გამოიღო: ევროპის ენები დასახეს ენის განვითარების უმადლეს ტიპად და ამ საზომით შეეცადნ მრავალ-ჯერ რივიანად შეუსწავლელ-ენათა წესრიგში მოყვანას. მართალია, ენათა მორფოლოგიურ კლასიფიკაციამ საკმაო სარგებლობა მოუტანა მეცნიერებას და მოუტანს კიდევ, ვიდრე ყველა ენები რივიანად შეისწავლებოდეს, მაგრამ უკრიტიკოდ იმაზედ დანდობას შეუძლია ზიანიც მოიტანოს.

უფრო დაწვრილებით მსურველთ შეუძლიანთ გაეცნონ გენეალოგიური და მორფოლოგიური კლასიფიკაციის საკითხებს შემდეგ შრომებში:

1. Jink, Die Sprachstämme des Erdkreises, Spz. 1909.
2. Steintahl, charakteristik der Hauptsächlichsten Jypen des Zprachbaues, 1860



3. G. Müller, Grundriss der Sprachwissenschaft 1876—1888
4. Модестов, Введение в римскую историю, ч. II (ეტიმოლოგია შესახებ)
5. Brugge, Etruskisch und Armenisch, 1890.
6. Möller, Indogermanisch und Semitisch. 1909.
7. Нельдеке, Семитские языки и народы, в обработке А. Крымского 1903—10
8. Kretschmer, Einleitung in die Geschichte der Griechischen Sprache, 1896 (ებება მცირე აზიის ძველ ენებს)
9. Jensen, Hittiter und Armenier.
10. Катанов, опыт исследования урянхоевского языка... тюркского корня (Учен. записки Каз. Унив. 1903).
11. Руднев. Материалы по говорам восточной Монголии (1911).

ლექცია მეხუთე.

ბგერათა წარმოების სირთულე. ბანის და მანის განსხვავება. ორგანოთა მოძრაობას აწესრიგებს ცენტრალური ნერვთა სისტემა. ფიზიოლოგიური და ფსიქოლოგიური პროცესი. ინერვაცია. მოტორული (მოძრაობითი) და სენზორული (გრძობითი) ნერვთა სისტემა. კუთების მოძრაობის შეგრძნება. ბროჯის ცენტრი და მისი ხელქვეითი ცენტრული ლაპარაკის დროს. გრაფიული ცენტრი სენზორული ცენტრები: ვერნიკეს და დევერინის ცენტრები; მათი დანიშნულება. დიდი ტვინის აპკი. მარჯვენა და მარცხენა ნახევარი-სფერო. ენის ცენტრი მარცხენაშია, ჩანასახი-კი მარჯვენაშიც სურათის აღწერა. ბავშვის ენა. მნიშვნელობითი წარმოდგენა. აკუსტიკური და ოპტიკური წარმოდგენის მასთან დაკავშირება. კითხვა; მისთვის ახალი ცენტრის შექმნა. მტკიცე და სუსტი ასოციაციები, აზრიანი და უაზრო ლაპარაკის, წერის და კითხვის პროცესები სქემატიურად. ასოციაციის დაზიანება პათოლოგიურ მოვლენათა მნიშვნელობა ენისთვის. აფაზია (ორნარიი), ამნეზია, აგრაფია და ალექსია. პროცესთა სირთულე. აღმზრდელის სიფრთხილე. მეცნიერული ძეთოდის ძიება. ლიტერატურა.

ყოველი ბგერის წარმოება ფრიალ რთული ფსიქო-ფიზიური მოვლენაა. ბგერათა ფიზიოლოგიას დაწვრილებით შემდეგ ლექციებში განვიხილავთ; აქ-კი საჭიროა ვთქვათ, რომ თითოეული ბგერა მოითხოვს მრავალ ორგანოთა და კუთების თანამშრომლობას. უბრალო თანხმოვანის ბ-სათვის, მაგალითად, საჭიროა რამდენიმე ათასი კუთის მონაწილეობა: პირველ ყოვლისა უნდა შეიქმნეს ამოსუნთქვითი ჰაერის ტალღა, რომლისთვისაც საჭიროა ფილტვების, დიაფრაგმის და გვერდის ნეკების მოქმედება (ბგერის წარმოებისათვის სუნთქვა განსხვავებულია უბრალო სუნთქვისაგან; ამიტომ მას ვუწოდებთ ფონაციურ სუნთქვას). ვიდრე ამოსუნთქვითი ჰაერი ბაგეებამდე მოაწვევდეს, ვხაში მას ხვდება დაკიმული ხმის სიმები, რომლებსაც ეს ჰაერი ააქვრებს, ნაქვრი ჰაერის ტალღა წააწყდება დახშულ ბაგეებს, რომელიც მას ოდნავ შეაჩერებს და სწრაფად გაიღება.

ეგრედ წოდებული რბილი სასა, რომელიც ჩვეულებრივად მოდუნებული ჰკიდია, ამ დროს ხახის უკანა კედელს მიებჯინება და ჰაერს ცხვირში არ უშვებს.

მ-სათვის-კი იმავე ორგანოთა მოძრაობა მეორდება, მხოლოდ განსხვავება ისაა, რომ სასა არ ებჯინება კედელს და ამიტომ ჰაერი ცხვირის გზითაც გამოდის.

ვინაა ყოველივე ამის მომწესრიგებელი? ვინ იძლევა განკარგულებას ჰაერს ჰაერი აღმოზღეს, სიმები აუღერდეს, ბაგეები დაიხშოს და გაიღოს, სასა კედელს მიეკრას (ბ-სათვის) ან არ მიეკრას (მ-სათვის)? აქ იწყება ფსიქიური მომენტი. თუ ადამიანის სხეულში ნივთიერებათა ცვლა, სისხლის მუშაობა, საჭმლის შეთვისება და მუსკულებად მისი გარდაქმნა არის ფიზიოლოგიური მოვლენა, — იმავე სხეულის და მათ შორის ენის ორგანოთა მოძრაობა არის ფსიქო-ფიზიოლოგიური.

როცა ხელს ვამოძრავებთ, ერთი მხრით ეს არის ფიზიური მოვლენა, რადგან ხელმა ვარემოში ადგილი გამოიცვალა, მაგრამ მეორე მხრით ამ მოვლენას წინ უძღოდა ფსიქიური აღძვრა, რომლის შედეგიც ვარგუნული მოძრაობა იყო: ხელს ყავს „მბრძანებელი“ ტვინის განსაზღვრულ ცენტრში, რომელიც განაგებს მის მოქმედებას. ასეთივე ხელმძღვანელი ყავს ტვინის ცენტრში ფოლტვებს, ხმის სიმებს, სასას, ენას და ბაგეებს. ამ ორგანოთა და ხელის ან თეხის მოძრაობის შორის არავითარი არსებითი განსხვავება არ არის.

ვთქვათ, ცენტრში განზრახულია ბაგეთა დახშვა (მაგ. ბ-სათვის), ან ხელის თითების მოშლადება საწერად: ეს განზრახვა ელვის სისწრაფით გადაეცემა მოტორული (მოძრაობითი) ნერვების საშუალებით ბაგეთა ან თითების კუთებს, რომელნიც ამოძრავდებიან საჭიროებისდა გვარად. ამ განზრახვის გადაცემას ეწოდებთ **ინერვაციას**. თუ შემთხვევით მოძრაობის გამგე ცენტრი ან მოძრაობის ნერვები დაზიანებულია, ინერვაცია არ ხდება, მაშასადამე მოძრაობაც შეუძლებელია. მოძრაობის ცენტრებს განსაზღვრული ადგილი აქვს მიჩენილი ტვინში. მხოლოდ უნდა ვიცოდეთ, რომ სასის მოძრაობას განაგებს ერთი ცენტრი, ხელისას მეორე, ბაგეთა მესამე და სხვა.

მოძრაობით ნერვებს გარდა არსებობს აგრედვე ორგანოთა მოძრაობის შემგრძნებელი ნერვები. როცა ჩვენი განზრახვა ფიზიურ სფეროში გადავიდა, ე. ი. ხელი ან ბაგე გავანძრიეთ, ჩვენვე ვიგრძენით ამ ორგანოთა მოძრაობა: ვთქვათ, ხელი სწრაფად ერთი ადგილიდან მეორეზე გადავიტანე: მე შევიგრძენ სისწრაფე და მანძილი: თუ შორს გადავდე, შევიგრძნობ დიდ მანძილს, თუ არა ნაკლებს. როცა ბაგეები ბ-ს ამბობს, მე შევიგრძნობ ბაგეთა მჭიდროდ დახშვას, გაღებას; თუ სწრაფად დავხშავ, ან გავაღებ, მე შევიგრძნობ სისწრაფეს და სხვა.

მაშასადამე ჩვენ გვაქვს ჩვენივე ორგანოთა **კუთების მოძრაობის შეგრძნება** (мышечное ощущение, ე. ი. მოტორულ ნერვთა სისტემას გარდა გვაქვს გრძნობითი, **სენზორული** ნერვთა სისტემა, რომელთა საშუალებით მოძრაობის ფიზიური, გარეთი ფაქტი შიგნი შეგვაქვს.

თუ მოტორულის დანიშნულებაა **შიგნიდან** (განზრახვა) **გარედ** გამოიტანოს (მოძრაობა მოახდინოს), სენზორულის პირიქით მას **გარედან** კუთების მოქმედება (ან მათი შეგრძნებები) **შიგნი** შეაქვს.

ადამიანის ტვინში არსებობს განსაზღვრულ ადგილს ლაპარაკის მოტორული ცენტრი, ე. ი. ისეთი ცენტრი, რომელიც ამოძრავებს ყოველ ენის ორგანოს (სასუნთქს, სიმებს, სასას, ენას და სხვას). მაგრამ თითოეულ ამ ორგანოს თავისი საკუთარი მოტორული ცენტრიც აქვს, ხოლო ყველა ისინი ლაპარაკის დროს ემორჩილებიან იმ მთავარ მოტორულ ცენტრს, რომელსაც ეწოდება **ბროკა-ს ცენტრი**. უბრალო სუნთქვის დროს, სასუნთქი ორგანო მხოლოდ თავის საკუთარ ცენტრს ემორჩილება; ენაც და სასაც, ჭამის დროს რომ მოძრაობენ, აგრედვე თავის საკუთარ ცენტრს ემორჩილებიან. მაგრამ ფონაციისათვის (ბგე-



რითი ამოსუნთქვისათვის) სასუნთქი მთავარი მოტორული ცენტრისაგან იღებს განკარგულებას; აგრედვე ენაც, სასაც და ყველა ორგანო ლაპარაკის დროს უთუოდ მთავარი ცენტრის ბრძანებას ასრულებს.

მოგორე უკვე ვთქვი, ბროკას ცენტრი (მთავარი მოტ. ცენტრი) სუნთქურული ნერვების საშვალეობით მიიღებს და ინახავს ჩვენივე კუთების მოძრაობის შეგრძნებას. მაშასადამე, ბროკას ცენტრის დანიშნულება ორგანო ყოფილა: მოძრაობის წარმოება (უფრო სწორედ განზრახვის კუთებადლი მიტანა) და მოძრაობის შეგრძნების შენახვა ანუ დამახსოვრება. ბროკას ცენტრი მოგვაგონებს საღვურს, საიდანაც ერთ ლიანდაგს გააქვს რამ და მეორე ლიანდაგს შემოაქვს.


მეორე ამგვარივე ცენტრი (მოტორული) აქვს ტვინში ადამიანს, თუ მან წერა იცის; მას განზრახვა გამოაქვს მოტორული ნერვებით თითების კუთებადლი და შეაქვს უკანვე იმავე თითების მოძრაობის შეგრძნება სენზორული ნერვებით. ამ ცენტრს **გრაფიული (მოტორ.) ცენტრი** ეწოდება.

მაგრამ ადამიანს აქვს ისეთი ცენტრიც, რომლის დანიშნულება **მხოლოდ** შეტანაში გამოიხატება; მაშასადამე ის მხოლოდ **სენზორული ცენტრია**. ეს არის **სმენითი შთაბეჭდილების მიმღები და შემნახავი ცენტრი**. გავიგონებთ ჩვენ სიტყვას თუ სიმღერას ან რაიმე ხმაურობას, იმის მიმღები სმენითი ცენტრია; მაგრამ შესანიშნავი ის არის, რომ მთელ ამ ცენტრის მიდამოში სიტყვას თავისი საკუთარი პუნქტი აქვს, რომელსაც **ვერნიკე-ს** ცენტრი ეწოდება; შესაძლებელია ბგერა ან სიმღერა საერთო სმენით ცენტრში შევიდეს, მაგრამ ვერნიკეს ცენტრს არ მოხვდეს: მაშინ სიტყვა (გარკვევითაც ნათქვამი) კარგად გვესმის, მაგრამ ვერ გავიგია. შესაძლებელია აგრედვე სმენითი ცენტრი საერთოდ რიგიანად მუშაობდეს, მაგრამ ვერნიკეს ცენტრი დაზიანებული იყოს: სიმღერა ან სხვა რამ გვესმოდეს და ლაპარაკისათვის (ცოტად თუ ბევრად) ყრუ ვიყოთ. ამ გვარივე მეორე ცენტრს მოეპოვება ადამიანს, თუ მან კითხვა ი. ი. ეწოდება **ოპტიური ცენტრი**. ესაც სენზორულია, რადგან მისი დანიშნულება მხოლოდ ვარედი მიღებაში გამოიხატება. ჩვენ ვხედავთ რასმე; ეს ნიშნავს მას, რომ ვარედი შთაბეჭდილება შევიდა ოპტიურ ცენტრში საერთოდ; მაგრამ თუ ჩვენ დაწერილ სიტყვას შევხედავთ (და გავიგებთ), მაშინ მოქმედობს მხოლოდ ერთი პუნქტი საერთო ოპტიური ცენტრის მიდამოში; ამ პუნქტს ეწოდება **დეჟერინ-ის ცენტრი**.

ჩვენ შეგვიძლია ჩინებულად ვინებდობდეთ, მაგრამ დაწერილს შევხედოთ და ვერ წავიკითხოთ: ეს იმიტომ, რომ ან არ გვქონია დეჟერინის ცენტრი (თუ კითხვა არ გვისწავლია) ან და გვქონია, მაგრამ დაზიანებულია. ამ შემთხვევაში ნაწერი ჩვენთვის უაზრო ხაზებს წარმოადგენს.

მაშასმდამე ადამიანს ლაპარაკისა და წერა-კითხვისათვის აქვს ოთხი ცენტრი: ორი მოტორული (ბროკასი და გრაფიული) და ორიც სენზორული (ვერნიკესი და დეჟერინის). მოტორულ ცენტრებს ორნაირი დანიშნულება აქვს: 1) ინერვაცია ბგერისათვის და 2) ორგანოთა კუთების შეგრძნება და შენახვა; სენზორულს კი მხოლოდ ერთი: შთაბეჭდილების მიღება და მათი შენახვა (დამახსოვება). თუ სენზორული ცენტრებიც (სმენითი და ოპტიური) მოინდომებენ „ვიზინდან გარედ“ ე. ი. მათთვის უჩვეულო გზით მოქმედებას, ეს იქნება პალუკინაცია სმენითი ან ოპტიური (გავიგონებთ ან შევხედავთ იმას, რაც არ არის ნამდვილად).

ნორმალური ადამიანის ტვინში არსებობს ამ ცენტრთა მრავალგვარი ასოციაცია, რომლის გასათვალისწინებლად საჭიროა ვიცოდეთ ცოტა რამ ტვინის შესახებ.



ეგრედ წოდებული „დიდი ტენის“ აპკი (ანუ კანი) წარმოადგენს ადამიანის შეგნებული ფსიქიური მოქმედების ცენტრს, რომელშიაც შედგება მრავალი მგრძნობიარე ნერვი და შეაქვს მგრძნობიარე აგრედვე აქედან მოძრაობის იმპულსები. ჩვენი ფსიქიური მოქმედება არის აგრედვე ფინიზილი-გოური პროცესი, რადგან ყოველ ფიზიოლოგიურ აღძვრას თან სდევს პარალელურად ფსიქიური პროცესი. როცა მგრძნობიარე ფსიქოფიზიოლოგიური მომენტით თავდება, ნერვებში გვრჩება ერთნაირი მიდრეკილება ან ჩვეულება იმავე პროცესისადმი: მეორედ ის უფრო ადვილად ხდება. ამ ფაქტს ვუწოდებთ მეხსიერებას. ტენის აპკში (კანში) შენიშნულია განსაზღვრული ცენტრები, რომელთაც განსაზღვრული დანიშნულება აქვს. უკვე მოგახსენეთ, რომ მაგ. ტენისში ოპტიური ცენტრის დაზიანება ნიშნავს დაბრმავებას, თუმცა გარედან თვალი შესაძლებელია უვნებლად დარჩეს.

მათელი ტენისის სფერო განიყოფება ორ ნახევარ-სფეროთ: მარჯვენა და მარცხენა ნახევარ-სფერო. ნორმალური ადამიანის ხეულის მარჯვენა ნაწილს (მაგ. მარჯვენა ხელს) განაგებს ტენისის მარცხენა ნახ. სფერო; მარცხენას კი მარჯვენა. ცაცისა ანორმალობა იმაში მდგომარეობს, რომ ხელის მოძრაობის ცენტრი მარჯვენა ნახევარ სფეროში აქვს მეტად განვითარებული.

ენის ცენტრიც მარცხენა ნახ. სფეროშია უმთავრესად, თუმცა ჩანასახი აღბად მარჯვენაშიც არის: ცნობილია, რომ თუ ენის ცენტრი მარცხენაში (ხეუნებულ ბროკას ცენტრი) მოიშალა, ზოგიერთ შემთხვევაში მისი თანაბარი ცენტრი მარჯვენაში იღებს თავისთავზე მის ფუნქციას, მის მაგივრობას სწევს; აგრედვე ზოგიერთ ცაცის ენის ცენტრი მარჯვენა ნახ.-სფეროში აღმოაჩნდა. ამ შემთხვევაში ჩვენ გვეჩვენება სახეში მხოლოდ მარცხენა ნახ.-სფერო, ე. ი. ნორმალური ადამიანის ენის პროცესის პირობები.


სურათზე (იხ. სურ. I) სჩანს ტენისის ნახევარი ნსფერო. მასზედ აღნიშნულია მხოლოდ ის, რაც გამოვადგება ლაპარაკისა, სმენისა და წერტილთხეის განსახილველად. ზევიდან ქვევით: პირველი შუბლის ხეული, მეორე და მესამე; შემდეგ: პირველი საფეთქლის ხეული, მეორე და მესამე. როლანდის ორნატს ქვევით აღნიშნულია კეფის ზედა ხეული. როლანდის ორნატის ახლო არის ხეული, ციფრებით დანიშნული.

ლაპარაკის ცენტრი (ნაჩვენებია სურათზე ბრ.—ბროკა) სძევს შუბლის მესამე ხეულის უკანა ნაწილში, წერის ცენტრი (გრაფ.—გრაფიული) შუბლის პირველი ხეულის შიდაიმიში; თუ წერ ს ცენტრი ვითარდება მარჯვენა ნახ.-სფეროში, მაშინ ჩვენ ვსწერთ მარცხენა ხელით.

საერთო სმენის ცენტრი იჭერს საფეთქლის პირველი და მეორე ხეულის შიდაიმი; მაგრამ სიტყვის აკუსტიურ ცენტრს (განსხვავება უკვე ზევით ავღნიშნე) უჭირავს შუა ადგილი საერთო სმენით ცენტრში (სურათზე ვერ.—ვერნიკე-აგრედვე კითხვის ოპტიურ ცენტრს (დეჟ.—დეჟერინი) უჭირავს საერთო მხედველობის ცენტრის შუა ადგილი.

ორგანოთა მოძრაობის (სუნთქვის, სასის, ყელის, ენის, ხელის, თითების და სხვ.) ცენტრები აღნიშნულია ციფრებით 5—14-მდი ეს მეორე ხარისხოვანი ცენტრები ემორჩილება ლაპარაკისა და წერის მოტორულ ცენტრებს (ბრ. და გრაფ. 1). როგორც უფროსი, აგრედვე უმცროსი ცენტრების დანიშნულების შესახებ უკვე ვთქვე რამოდენიმე სიტყვან: საილუსტრაციად მოვიყვან მკაალით-ბავშვის ენის განვითარებებს; იქვე დავინახავთ სხვადასხვაგვარ ასოციაციებს.

ბავშს ვაჩვენეთ ზარი და ვთქვით სიტყვა „ზარი“ მან მიიღო ორა შთას მკვდილება: ერთი თვით საგნის შეხედვით (საერთო ოპტიურ ცენტრში) მეორე



სახელის გაგონებით. ენისთვის პირდაპირი მნიშვნელობა აქვს მხოლოდ ჰეოროეს, როგორც საგნის სიმბოლოს. ჩვენ რომ ზარის წკრიალის შთაბეჭდილება მივეცვა ბავშვისათვის, ამასაც არ ექნებოდა პირდაპირი მნიშვნელობა. ენისათვის, რადგან ის წკრიალი მოხვედბოდა საერთო აკუსტიურ ცენტრში და არა სპეციალურ ცენტრში (ვერნ) ისე, როგორც ზარის შეხედვა მოხვდა საერთო ოპტიურ ცენტრში და არა სპეციალურ დეცერინის ცენტრში. მაშასადამე, გარემო სინამდვილის (ამ შემთხვევაში ზარის, როგორც საგნის) შემეცნება და სიტყვის (ამ შემთხვევაში სიტყვა „ზარის“) შეთვისება სხვა და სხვა პროცესის შედეგია. ჩვენ ვიკვლევთ მხოლოდ სიტყვის პროცესს. რომელიც იწყება სმენის ვერნიკეს ცენტრიდან: ბავშმა პირველად ამ ცენტრით მიიღო „ზარი“, რომელიც მისი ტვინის საკუთრებდად ვახდა. ამ მომენტიდან ბავში იწყებს ცდას ეს აკუსტიური შთაბეჭდილება „ზარი“ გარედ გამოიტანოს იმავე საშუალებით, რომლითაც ამას უფროსები სჩადიან, ე. ი. ენის ორგანოების საშუალებით. პირველი მისი ცდა უნაყოფო იქნება, ის ვერ იტყვის სწორედ „ზარი“, რადგან მას არა აქვს შესწავლილი თავისი ენის ორგანოების მოქმედება; მაგრამ შეცდომას უფროსები უსწორებენ. ბავში ხედავს, რომ თავის ნათქვამი სიტყვისაგან („ზარის, სახელისაგან) სხვა შთაბეჭდილებას იღებს თვითონ. ვიდრე როცა სხვა იტყვის იმავე სიტყვას. ბავში შეუზღებლად ესწრაფვის შეასწოროს ეს უთანასწორობა ბაძავეს უფროსებს, ავიარჯიშებს სათქმელ ორგანოებს და იმახსოვებს თავისი კუთვების მოძრაობას. ბოლოს ერთხელ მან სთქვა სწორედ „ზარი“, რომლის გამეორება შეუძლია მას მხოლოდ იმიტომ, რომ მან დაიმახსოვა ორგანოების მოძრაობა, ე. ი. მას აქვს ამ სიტყვისთვის საჭირო ორგანოთა მოძრაობის წარმოდგენა. მაშასადამე, ბავშს აქვს უკვე „ზარი“-ს ორი წარმოდგენა: აკუსტიურ ვერნიკეს ცენტრში და მოძრაობითი, მოტორული ბროკას ცენტრში. ეს ორი წარმოდგენა თვითონ ბავშმა დააკავშირა თავის შეგნებაში: ვერნ. ბრ. როცი ბავშს უნდა სთქვას „ზარი“, პირველად აღიძვროს მასში ვერნ. ცენტრის „ზარი“ შემდეგ მისგანვე შექმნილი გზით (ასოციაციით) ვერნიკეს „ზარი“ აღძრავ, ბროკას ცენტრის „ზარ“-ს, ესე იგი აკუსტიური წარმოდგენა აღძრავს იმავე საგნის მოძრაობით წარმოდგენას. მოძრაობითი წარმოდგენა კი აღძრავს ენის მოტორულ ცენტრებს, ორგანოებს (სუნთქვას, სიმებს, საასს, ენას და სხვ.) და ითქმება „ზარი“. სქემატიურად გამოვხატავთ ამგვარად: (ვერ. ბრ. ენ. ორგ. მაგრამ ბავშს აქვს აგრედვე ზარის წარმოდგენა, როგორც საგნის (საგნობრივი წარმოდგენა): შეხედვით, შეხებით, წკრიალით და სხვა. ამას ვუწოდებთ მნიშვნელობითი წარმოდგენას, (იხ ლექცია 1) რომელიც სულ სხვა გზით არის შემდგარი, ვიდრე სიტყვიერი წარმოდგენა; პირველი შესდგა საერთო სენზორული ცენტრების საშუალებით, მეორე-კი სპეციალური სიტყვის ცენტრების საშუალებით. ყოველ შემთხვევაში ბავშს აქვს სიტყვიერი წარმოდგენის გარდა მნიშვნელობითი წარმოდგენა (სურათზე მნ. წ., იხ. სურ. II). აი ამ წარმოდგენას აქვს ის მნიშვნელობა, რომ თუ მას არ დაუკავშირდა ზემო ხსენებული ორი წარმოდგენა აკუსტიური (ვერნ.) და მოტორული (ბრ.), ლაპარაკი უაზრო იქნება, შეგვიძლია ბავშს დავასწავლოთ უცხო სიტყვა, რომლის მნიშვნელობითი წარმოდგენა მას არა აქვს, ბავში ვაიმეორებს ამ სიტყვას, მაგრამ უაზროთ. მაშასადამე სქემას ვერ. „ბრ. ენ. ორგ. უნდა შეუერთდეს ასოციაციით მნიშვნ. წარმ.: მნ. წარმ. ე. ბრ. ორგ. მოძრ.; მხოლოდ ასეთი პროცესი შეიძლება იყოს აზრიანი.

ბავში ცოტა წამოიზარდა. მას აჩვენეთ პირველად დაწერილი სიტყვა „ზარი“. მისთვის ეს უბრალო ხაზებია, რადგან მას ეს დაწერილი „ზარი“ საერთო



ოპტიურ ცენტრში მოხვდა. მას სპეციალური დეჟერინის (კითხვის) ცენტრი გა-
 ვითარებული არა აქვს. იქმნება ახალი ცენტრი, მაგრამ ეს საკმარისი არ არის.
 საჭიროა ვაგებას დაეფიქს (ასოციაციები) დეჟერინისა და ვერნიკეს შიგნით.
 სა და მოტორულს შუა და უმთავრესად დეჟერინისა და მნიშვნ. წარმოდგენას
 შუა. ვთქვათ, ბავშვს მისცეს ხელში „დედა ენა“, სადაც დახატულია იხვი, ქვეშ
 აწერია ი-ბ-ვ-ი. ვთქვათ ბავშვი იხვს ჩვეულებრივად ეძახის კვატას: ის ამოიკით-
 ხავს: ი-ბ-ვი და იტყვის „კვატა“. ანალოგიურად მოიქცევა, თუ მას აჩვენებთ
 დახატულს და ქვეშ მოწერილს მუხას ან ფიქვს: ამოიკითხავს ფ-ი-ჭ-ვ-ი, იტყვის
 ხე და სხვა. რას ნიშნავს ეს? ეს იმას ნიშნავს, რომ მას სიტყვა „იხვი“, „მუ-
 ხა“, „ფიქვი“ არა აქვს დაკავშირებული მნიშვნ. წარმოდგენასთან, ეს-კი ბრო-
 კასთან და სხვა. მაშასადამე, კითხვის დროს საჭიროა ასეთი პროცესი: დეჟ. ვერ.
 ბრ. ენ. ორგ. მოძრ. + ვ. მნ. წ. (ე. ი. მას უნდა ქონდეს აკუსტიური წარმოდგენა
 ვერნიკეს ცენტრში, დაკავშირებული მნ. წარმოდგენასთან; მაშინ როცა ის ვაი-
 გონებს (ვერნ. თავისიგანვე ამოკითხულ (დეჟ.) „იხვი“, იმ წამსვე გავაზილი ალ-
 ძრავს მნიშვნ. წარმოდგენას; ამიტომ ერთიანად ეს სქემა ამგვარია: დეჟ. ვ. მნ.
 წ. ბ. ენ. ორგ. მოძრ. ცხადია, უმარტულად ვუჯავრდებით ჩვენ ბავშვს, ოცა
 იმას კითხვის შესწავლა უჭირს; მით უმეტეს, რომ კითხვისთანა თათული პროცე-
 სი არც ლაპარაკია და არც წერა.

ახლა ჩვენ გვაქვს წარმოდგენა სხვადასხვა ასოციაციაზე. ზოგი მათგანი
 ძლიერია და სავალდებულო, ზოგიც სუსტი და არა სავალდებულო იმისდა მი-
 ხედვით თუ რავგარ პროცესთან გვაქვს საქმე. ვერნ. მნ. წამს. ყველაზე მტკიცე
 ასოციაციაა, ე. ი. როცა ჩვენ გვესმის ნაცნობ სიტყვა, ჩვენ უსათუოდ წარმო-
 ვიდგენთ მის მნიშვნელობას (ვესსმის ბგერა „ზარი“: ჩვენ წინ აღსდგება თვით
 საგანი). ასეთივე მტკიცეა ბრ. ვერნ.: როცა ვლაპარაკობთ, ჩვენვე გვესმის; ვერნ.
 ბრ. არაა იმდენად სავალდებულო: როცა ჩვენ ჩუმად ჩქარა ვახოვებთ, სიტ-
 ყვების მოძრაობითი (მოტორული) წარმოდგენა ვერ მიყვება თან იმავე სიტყვე-
 ბის აკუსტიურ წარმოდგენათა ცვლას.

უნდა ვიკოდეთ, რომ ასოციაციათა ინტენსივობა დამოკიდებულია ინდი-
 ვიდუალურ სხვადასხვაობაზე, ბუნებრივ ნიჭზე და განვითარება ჩვეულებაზე.
 ჩვენ გვყავს სახეში საშუალო ადამიანი, წერ კითხვის საშუალოდ მკოდნე.

ვერნ. დეჟ. აქვს წერაკითხვის მკოდნეს, რომელსაც სმენითი შთაბეჭდილე-
 ბა უბადებს წერით ან ბეჭდით წარმოდგენას.

დეჟ. ვერნ. ძლიერია, რადგან კითხვა (დეჟ.) დაიწყო სმენით წარმოდგე-
 ნასთან (ვერნ.); კითხვის დიდი პრაქტიკა იძლევა პირდაპირ დეჟ. მნიშვნ. წარმ.
 კითხვის სწავლის დაწყებთანვე ვითარდება ძლიერი ასოციაცია დეჟ. ბრ.

აღვნიშნავ ლაპარაკის, წერის და კითხვის პროცესებს სქემატიურად:

1. ნებისყოფითი აზრიანი ლაპარაკის დროს აღიძვრის: მნ. წ.—ვერნ. ბრ.
 ორგ. მოძრ.; უაზრო ლაპარაკის დროს: ვერნ. ბრ. ორგ. მოძრ.

2. ნებისყოფითი წერის დროს (ე. ი. თავისი აზრის გამოთქმა: ჩვეულებრივ:
 მნ. წ.—ვ. გრაფ. ხელის მოძრაობა იშვიათად: მნ. წ. გრაფ. ხელმოძრ. ან და:
 დეჟ. გრაფ. ხელ. მოძრ.

3. აზრიანი კითხვა: დეჟ. ვერნ. ბრ. ორგ. მოძრ. + ვ. მნ. წარმ. უაზრო
 კითხვა დეჟ. ვ. ბრ. ორგ. მოძრ. (ძლიერ ჩქარი კითხვის დროს ხშირად მის
 დის ყველას.) სრულიად უაზრო კითხვა: დეჟ. ბრ. ორგ. მოძრ. (როცა ვკითხუ
 ლობთ სრულიად უცნობ უცხო ენაზე).

ხშირად ხდება ხოლმე, რომ როგორღაც ასოციაცია აღარ მოქმედობს (და-
 ზიანდან მოიქანცა, მაშინ პროცესი სრულდება მაგრამ გრძელდება გზა. ვთქვათ,
 შეწყდა ასოციაცია დეჟ. (მნ. წარმ.; მაშინ შესაძლებელია: დეჟ. ბრ. ორგ. მოძრ.

ვერნ: (მნ. წარმ. (ე. ი. ხმამაღლა კითხვა). შეწყვეტილი ასსოციაციის მაგივრად აღსდგა სხვა გზა სამი ასსოცია-ციით მეტი.

დიდი მნიშვნელობა აქვს ენისათვის პათოლოგიურ (ავადმყოფის) მსოფლი-ნათა შესწავლას. ყველა ხსენებული დასკვნა ემყარება უმეტეს მსწავლელ-ლოგიურ მოვლენათა დაკვირვებაზე. თავისთავად ცხადია, რომ თუ ბავშვები არა გვაქვს, ბ-ს ვერ ვიტყვით, თუ ენა ამოგვჭრეს და სხვა ბევრ სხვას ვერ ვიტყვით და სხვა; ცხადია აგრედვე, რომ, თუ ტენიში დაზიანდა თითების საკუთარი მო-ტორული ცენტრი, ვეღარ დავსწერთ და სხვა; მაგრამ ხშირად ბავშვსაც ვანძრევთ, ენასაც, ხელსაც; ვხედავთ კიდევაც ყველაფერს და გვესმის ყოველივე, მაგრამ ლაპარაკს, წერას და კითხვას ვე- ვახერხებთ. მიზეზი ენის მთავარ მოტორულ და სენზორულ ნერვთა და ცენტრთა დაზიანებაშია.

როცა ავადმყოფს ესმის და გაიგებს ლაპარაკს (ვერნ.), კითხულობს (დეჟ.) სწერს (გრაფ.); მაგრამ ვერ ლაპარაკობს, ცხადია, რომ მას მეოთხე ცენტრი დაზიანებულია (ბრ.), ე. ი მას აღარ აქვს თავის ორგანოთა მოძრაობის წარმოდგე-ნა. ეს ავადმყოფი მუწჯაა (აბაკტიური აფაზია). არის მეორე გვირი სიმუწჯე-როცა ავადმყოფს დაუზიანდა ვერნიკეს ცენტრი: მას ესმის და გაიგებს, იმეორებს კიდევ თქვენს ნათქვამს, მაგრამ თავისი აზრის გამოთქმა ზეპირი სიტყვით არ ხერხდება; ცხადია, მას აღარ ავონდება სიტყვების სმენითი წარმოდგენები (ამნე-სტიური აფაზია).

თუ ცოტაოდნად არის დაზიანებული ვერნიკე, მაშინ გვეჩვენა გულმაგი-წყობა, მესიერების სისუსტე (შესაძლოა დალილობისაგანაც; ღრმად მოხუცე-ბულს უფრო ხშირად (ამნეზია).

თუ დაზიანდა გრაფიული ცენტრი, ვეღარ ვწერთ (ავრაფია); დეჟერინის ცენტრის დაზიანება იწვევს ალექსიას: ჩვენ ვხედავთ ნაწერს, მაგრამ უბრალო უაზრო ნაჯღაბნი გვგონია.

აუწარღვია მრავალგვარ პროცესთა სირთულე, ცხადია, თუ რაოდენი სიფრ-თხილე გვმართებს ბავშვის აღზრდის დროს პატარაობიდანვე. ამიტომ ამგვარ ანალიზს პრაქტიკული მნიშვნელობა აქვს აღმზრდელ მასწავლებელთათვის. ამ ანალიზზე უნდა იყოს დამყარებული უცხო ენათა და მართლ წერის მეცნიერული მეთოდით სწავლება. დღემდე მეთოდოლოგიაში გამეთვებული სისტემა მოსწავლეს უნა-ყოფოდ აკარგინებს დროს და ენერჯიას. მეცნიერული მეთოდების საშუალებით კი შესაძლებელია ნაკლებ დროს და ნაკლები ენერჯით მეტი ნაყოფი მივიღოთ, მეცნიერება განავრცობს გადაც მის გაადვილების ძებნას და ალბად ჩვენ მოწმე ვიქნებით ახალ აღმოჩენათა ამ დარგში.

ლი ბ ე რ ა ბ უ რ ა

1. Bernheim, De l'aphasie motrice 1900.
2. Monakow, Gehirnpathologie 1897
3. А. Погодин, Внутренняя рѣчь и ея разстройства Журн. М. Н. Пр. 1906 ноябрь.
4. Аствацатуров, Клиническія и эксперимент. психоло- гич. изслѣдованія рѣчевой функціи 1908.
5. Осокон, К патологіи, разстройств. рѣчи, казан. Мед. Журн. 1910.